

期 十 第 卷 三 第



靈


學

要

誌

李
仙

中華書局特准掛號認爲新聞紙類



行 發 社 總 善 悟 京 北

救世新教教義出版廣告

此書係 至聖先師孔子親臨教壇降筆計八章三十二
節約有萬言推陳出新救世界之浩劫顧名思義滙各教
於一源凡正文所未盡者設詮註以補足之文註所難宣
者作圖說以表明之誠空前未有之奇書爲當今必讀之
寶笈也每部裝訂一大冊本京收書價大洋一元貯作再
版之費外埠加掛號郵費一角初版無多購者從速如因
節省婚嫁壽辰宴會戲劇之資躉購百部以上贈送親友
者每百部奉贈十部較諸印送善書之功德尤大也此佈

北京悟善總社發行科啓

靈學要誌第三卷第十期目錄

乩字乩畫類

儒祖法像

孚佑帝君書默字

孚佑帝君草書橫幅

宗教類

救世新教教義第八章微義

救世新教教義第八章第二節

救世新教教義第八章第四節

道詮類

紫陽真人論清丹一貫之理

紫陽真人論靜中自然

孚佑帝君論氣功

偈語

佛祖法像

孚佑帝君繪毫奎圖

吳仙畫冬柳

救世新教教義第八章第一節

救世新教教義第八章第三節

救世新教教義正論

碧眼仙子學道有緣訓

孚佑帝君論清丹工夫

孚佑帝君論性命之功

靈

學

要

誌

論著類

程真人濟南悟善分社攝影序

孚佑帝君論氣數

天旨勅封錢教主文

姚姬傳真人乩示錢教主神誕文

五教教祖封錢教主文

姚姬傳真人祭錢教主文

姚姬傳真人代悟善社同人公祭錢教主文

姚姬傳真人教育淺說

南屏濟佛說苦樂

詩詞類

計三十六首

唱酬類

計詩三十五首詞十二闕

善業類

悟善總社丙寅年七月份施放養老券姓名年歲籍貫表

悟善總社丙寅年七月份施放長期月米姓名住址米數表

記事類

癸亥十月初一日起二十九日止

目 錄





儒祖法像

儒祖賜
彫諦

純陽代筆



天
津
悟
善
分
社
卮
筆

佛 祖 法 像

佛祖賜
慧本


陸湯代筆



天
津
悟
善
分
社
乱
筆

字 默 書 君 帝 佑 孚

壬
戌
十
月
十
五
日



佑
帝
君
書
默
字

孚 佑 帝 君 書 橫 額

大正十一年十月十五日

孚佑帝君

書

橫

額

帝君

書

橫

額

壬戌十月十五日

孚佑帝君繪耄耋圖

慧濟道第

純陽



壬戌十月十五日


吳仙畫冬柳

疏枝樹倚斜，
搖蕩霜風末。
畫昔遠，
道高回，
北雁影，
說調物。
卷龍威，
蕭蕭有葉，
翰乾脈，
支離。
慰菊傷，
何時往，
日秦進，
暮多穗，
信時。
雙遠共徜徉，
壬戌冬月白痴。

道子作

慧爾教作吳賦冬柳得黃字

壬戌年十一月十四日





宗
教

本要誌今又新添宗教一門此係
先師孔子親臨壇坵降筆當此世道陵夷人
心放蕩非有極正大之宗教引之入於道德
範圍則雖日談大同終屬空言無補故
先師降示教義教綱教法以爲立教之本滙
五教之理同出一源而歸本於儒學言道處
則闡發玄秘古今道要無此詳明言教處則
大啟規模東西教條無此完備洵人間未見
之奇文天下共由之正軌也海內宏博幸賜
覽焉

救世新教教義

第八章 微義

儒祖孔子示 此章無詮註。其不可解者。亦照錄之。不必故求解也。因為未來教義。留以待時。必有解之者在也。

純陽道祖示 此章為聖人揭示教之微義。有關將來之事。有隱世運之象。故不詮註。以待後聖。

宏教真人註 此章所云。皆教之機。而其後為聖聖相傳之微義。必待聖知而貫通之。此宣聖因教將應時而易。此義與天地終始不可易也。留之以待後聖。由此而新是教。故宣聖不加詮註。以其非言文所能盡也。天地人物之道。皆不外是。宜珍藏之。有明道達靈之士自解也。



宗教

宗教

救世新教教義第八章微義

第一節 審幾

教化流行。起極終極。遇艮以止。逢復以返。惟寅以申。惟丙以明。如日之行。清亮成因。大道之行。以始至終。以終至始。渾然無息。不知其極。以立其極。如環往復。默犀彰碧。大道之明。日月五星。天經地成。極乎五垠。乘虛入冥。至於五清。以遠爲近。若雲之行。教與道彰。生物惟康。天無此疆。運化未央。行經咸恒。君子大光。極變於離。回息蒙亨。振於坤坎。復於同人。以兌爲漸。以成於金。越乎五五。超環更升。爲頤與井。大哉乾元。

機生之先。爲化以同。靜動往復。神而爲人。以靜爲動。以神爲人。其用乃妙。其道乃明。動生於靜。神成於人。二妙五運。中樞在寅。以見其真。不離於金。以水爲生。不離氣先。以氣爲化。不離於玄。玄玄之極。爲物之園。識靜者動。識玄者生。識中者用。識金者成。識水者定。識定者誠。以本爲用。無教亦元。從上爲道。無爲亦玄。自金爲體。無體亦全。至定爲生。無生亦仙。至誠爲化。無化亦天。化之生之。爲之成之。不足明之。乃爲世蹊。故有待聖人。以開其橐。明其未明。知本知源。知道德全。以上上。以下下。而居中焉。不失水上。則化變無盡。不失水下。則有盡不返。以

此致教。無庸爲道。此天地之自秘其鑰。而神明自隱其質也。知者察焉。無爲物。盡慎之慎之。

第二節 察微

窈冥之精。光明之質。固守莫失。而爲道德。化之化之。永持無改。新之舊之。亦於是在。變幻不反。其功立敗。摩木與晶。何有真宰。爲教以名。莫知所在。純取乎澄。何畏於海。道在平林。教在中庭。皇皇達官。乃與下民。以分爲得。以得爲失。不宜師志。宜師志外。故教在則治。教廢而退。立竿見日。非象之真。取石投水。非聲之清。有爲之僞。何以入程。淑世之則。不廢均貧。暮日復起。密雲忽散。以理無存。極於溝畔。惟在賢士。知吾之心。天地無盡。日月或沈。形質不守。精流爲冰。否蹇之交。世無仁人。迨安以蘇。一陽來凝。敬慎毋違。復見天心。

知不知。見不見。天道乃明。知所知。見所見。天下乃爭。以有爲無。天下治平。以無爲有。人心清寧。莫畏乎理。莫辨乎理。莫爭乎理。莫大乎理。一無二爲大。有二爲化。執不化而終化。逐化而終不化。聖人之道也。以世爲用。以治爲功。以德爲美。以勝人爲雄。以得爲有。以死爲終。以化爲常。以不化爲窮。以可信爲真。以可名

爲道。此愚人之事也。立命則蹶。爲生則滅。有欲則絕。故知者不爲。爲者不知。順而無往。得而無享。無爲上下。無爲下上。空實存亡。不與較長。失得虛盈。不與從容。明夫化工而在道中。

第三節 建極

巍巍大哉。穆穆自在。在於以觀德。而爲天載。乾明惟離。已非其純。反本復初。惟不見明。故教可易。道不易。器可化。理不化。一本之精。惟虛與寧。致之以誠。動而復凝。內外皆是。本末皆至。莫言天道。莫言人事。以闇愈昭。以伏愈高。以靜則動。以分則共。故道教一也不可二。可易不可異。人猶太初。世猶太古。亡道則殃。亡教則警。執一不如執中。執中不如執極。皆一也。而象異耳。放則迷。復則明。欲則昏。不欲則聰。知本則生。知始則神。寧清惟純。靜虛惟真。電光之真。孰能辨之。木石之妄。孰能證之。以形爲生。是謂走尸。以木石爲真。是謂蔽知。可分可合。可見可不見。可有可無。可來可去。可靜可動。可大可小。而不爲木石。不爲水火。不爲死生者。斯本也。斯神也。而世人惑焉。如以影爲日耶。以照爲日耶。以熱爲日耶。其實皆日。亦皆非日也。能知此辨。知理所在。

以道爲虛。以天喻之。以天爲遠。以地喻之。以地爲大。以人喻之。人物之生。皆同此中。各抱此極。爲萬而一。故教取近而在內。近立遠至。內成外歸。以此喻彼。不失其規。微妙之義。藏于個中。太極之象。在於人身。二氣之行。不外斯形。五運終始。不離於體。性道神真。不外於心。天地萬物。變化莫測。陰陽五行。生息不息。因果數命。太過不及。善惡禍福。根於所積。道德之成。真靈所存。無在於外。所生所成。所化所名。皆在其內。充育廣達。致果致功。皆非外事。不離於○。故教本在己。道本在此。惟求之。惟守之。惟育之。充之。以盡其本末。達其終始。如是而已。精誠在凝。靈明在清。天有道有德。地有道有德。天地萬物。各有中極。如○之中。何以爲極。二五何生。化育何出。天命天數。於何成立。能明此○。即知其則。若求於外。或望於遠。以爲莫至。以爲莫測。非狂則愚。非邪則僻。知此爲教。永合大道。恃此之教。是謂外道。愈大愈小。愈遠愈近。靜動敬肆。而辨其用。若循於環。由外內爲道。由內外爲化。以爲教法。不離於曲。聖知自誠。中下曲成。若離於曲。身心浮沈。不得其正。乃背其生。

第四節 喻用

宗 教

救世新教教義第八章第四節

自下而致上則吉。自上而致下則凶。故成者基於下而返於上。渺渺之數不可預測。昭昭之德則在預積。以有爲致無爲。以無爲御有爲。致則不失。御則不窮。此至理也。雖大必有度。雖深必有量。雖長必有窮。雖得必有失。故聖智但事不窮。不求其長。但志不失。不求有得。靜者最能動。一者最能衆。無者爲萬有之母。虛者爲萬形之宗。故教必立其本。義必在先。法必能化。化而不窮。易而不失。此元也。爲天地所不及。故不著不執。不受不却。不居不去。永在○中。而守其極。是謂元教。人之昏蒙。物之聰明。而天不易之。化者不恒。恒者不化。而道不易之。以各有所立。各有其極也。故萬化之餘。不離其初。萬物之終。不離其中。知以不知。昏以不昏。我在則無我。無我我則在。聖人虛而後實。失而後得。不與爭而獨立。不自矜而貴於人。不自尊而敬於民。此爲聖神。此爲虛靈。若有若無。則不測。若明若闇。則不能夔。正中則皆見。正極則皆至。不可偏也。不可執也。惟意惟念。或言或文。皆近偏執。而聖人簡焉。故教者爲變化而易。爲中極而立。不易則窮。不立則傾。元氣渾淪。誰見其蹤。平如水而猶波。定如山而猶傾。物無永安。以物害物也。去而外緣。息而內機。機緣永忘。民物咸康。如未忘則必平。如未淨則必定。

惟平與定。民物少靖。如未靖則必勝。如已勝則必復。惟勝與復。民物相賊。有循環爲亂之基。有得失爲爭之基。有平定爲傾覆之應。有機緣爲禍患之胎。由是而上不失其極。由是而下不動其機。乃爲道治。不知乎機。則罹於羅。不避其緣。則沈於波。鳶飛魚躍。爲道生育。有逆此者。必折其足。天近道。地近天。人在其中。而不近焉。近者久成。遠者自亡。離而遠之。猶亡。况逆而背之乎。春冬之間。見天道。水陸之交。見地道。一往一復。見生化之道。然猶在環內。是以不得不化。星月以日明。雲霧以日興。寒暑以日成。人物以日生。而近之則不明不興不成不生。道之所以在己身。不棄己而求外也。天不明。以日明。故乾而爲離。地不生。以水生。故坤而爲坎。先後之代。生化之功也。若明乎此。始知生本。道之與化。即猶是殊氣流無形。形成氣亦附焉。造化無心。化成數亦寓焉。爲神之功。爲帝之德。穆皇皇。聖知以極。教者順極尊生。守中尊形。葆真尊神。然後無悖於○。以爲是言。以授後聖。繼述道緒。廣是教義。可也。至其詳辭。在各經傳引申繹之。有不盡已。

救世新教教義正論

甲子年九月十四日

儒祖主筆

宗 教

救世新教教義正論

期 十 第 卷 三 第

教以救世。自今伊始。人衆地廣。教實有賴於傳者。各教林立。或爭或訐。教之初傳。猶不免焉。惟本教非人創也。無私己之心。非一教之祖獨創也。無左袒之意。凡各教所崇之教主。所奉之教宗。皆本教之宗主也。其旨其義。皆本教所定之旨義也。其有同異者。各祖自同異之。非本教同異之也。其有因革者。各祖自因革之。非本教因革之也。教因時立法。各祖先覺。乃得知之。故各祖實爲救其教。以期適於時。利於世。久而無敝。傳而彌新也。本教由各祖創之。凡其信徒。皆應傳之。傳本教。即所以傳各教也。若謂教非古固矣。要知人非古也。世非古也。政非古也。學非古也。槍砲之器。已易刀劍。汽機之輪。已棄舟車。聲光電化之精。已革粗工土製之物。文明富強之政。已非孤聞寡見之時。而謂當年之教。獨可行於今日。無所更易乎。久則變。變則通。不變無以持其本。不通無以達其用。此教至今日。所以不可不革新也。天地化機。愈轉愈繁。人物生育。愈久愈衆。無以應之。則其化不大。教者爲應時而張弛者也。今大地交通。民族麇聚。而習俗不一。文言各殊。若教不本於一。何以推於遠而成其大。是宜撤其屏障。放之六合。天之覆地之載。無所不容。無所不

至。然後可以臻大化之境。收神用之功。倘執一爲辭。爭已爲是。忘教之本。而背各祖之心。則教將日蹙。而民將日陷。豈傳教者之志乎。今日之爲教。以正本爲主。以致用爲功。非僅備一人之研習。一己之修持也。國治賴良政。今政如此。必假教以輔之。世治賴民德。今民如此。必假教以啓之。世方無德。教則先德。人方昧理。教則先理。豈故爲迂遠之談。立本致用。不得不如是也。各教之良法善方。本教已備之。其不足者亦補之。無非率天下之民。以同被教化之益爲旨也。而於人心之防。世道之衛。皆再三注意。以期各順其生。各得其所。無爭無亂。而相安其業。明道明德。而進保其真。內外之功。一以貫之。天人之學。大以化之。俾人人皆知真理。無越至道。則善惡禍福因果之說。不可用也。辨民爲教。要在權衡。得其道則行。失其道則棄。惟有善導之而已。不可執一以論耳。古人爲教。即在善導。智則進之。愚則醒之。使皆無失其本。故立極以圓。不以方。方則滯於物。守中以一。不以衆。衆則散其精。方雖多而不泥。言雖簡而俱賅。此道之法乎自然也。今人衆地廣。若以一方爲喻。必不通於他方。貴在傳者之善導也。能善導之。野獸猶馴。况人乎。不善導之。賢者猶不

宗 教

救世新教教義正論

願聞。况衆人乎。故聖人無定法。但本道德而爲教。不必列舉之。以防有所泥。而反失其正耳。今人以爲神天渺邈。性靈無據。主有形而重現在。此大惑也。夫天地既判。陰陽并名。善惡並行。虛實並存。形氣並生。不可有其一而忘其二也。人之五官百體。形也。呼吸思慮。非形也。知覺之具。形也。運之者。非形也。心腎。形也。所藏神志。非形也。是有形必有氣也。生之運用。屬於心腦。可知者也。死後無心腦。將何屬乎。覺時之知識感觸。由於神智。可知者也。夢中何以亦有之乎。是必有主之者。人死後不可知。夢中不可憑。何以催眠之術。符咒之方。能使知覺既泯者。而反知所未知。見所未見。能所不能乎。由是即足證人之靈有所在。人既有靈。則凡物莫不有靈。人物尙有靈。則天地山川之更大者。當亦有靈。此可例而知也。人不能自見其靈。爲後天所屬之情識所蔽也。不見己之靈。則不能見物之靈。即天地山川之靈。亦莫不因有所蔽而不見之矣。神之無形。與人靈等耳。不見神。則謂之無。是猶不自見其靈。而謂爲無靈。有是理乎。神非不可見。以其無質。人不得見也。天空之氣。尙不可見。况神爲至清之真氣。可以俗目見之乎。神者與靈同體。惟極清靜。乃得見之。亦

猶知覺既滅。乃可見其靈之理也。顯與隱。形與氣。神與物。性與情。各有所成。神之不可見。亦猶形之不可隱也。若必強之則爲悖理。是妖也。怪也。故神道隱而難測。人物顯而易見也。天下之事。極則反。勝則復。窮則變。盈則傾。理也。亦數也。皆氣爲之盈虛消長也。禍福因果。莫外於氣。而名之曰感應。以氣感。以氣應也。神之司罰。徵之於氣。非徵於物。若欲以物明之。是不知神道與人。有隱顯之別。理數與物有形氣之殊也。故言因果。貴求其本。不可持末。必氣已相感。而禍福始應。神安能以好惡爲賞罰乎。古人修德爲立命也。爲盡性也。非爲干神之降福也。但盡在己。以待氣之感應。足矣。奚可以顯判之事。責之隱微之神道乎。深願世人修己。但遵本教教義。兢兢爲善。以立德明道爲事。不可多求於不知之事。而馳於岐途。苟有不喻。可閉門讀各聖之書。靜默以思。無不豁然貫通矣。

儒祖註。本教係合各教而設。其立方未及細舉。須求之各經中。蓋本教以光大舊教爲旨。凡教義所未盡。皆在各教經中。但以本教義概括其綱而已。故演教不得以此爲限。必先貫通羣經。條分細目。藉爲施教之用。不過以四

宗 教

救世新教教義正論

十二

書五經爲縱。而以各教專經爲橫。以此立教。遠近皆從矣。此篇專爲各教徒有疑者而發。足爲教義之輔。



悟善總社發行靈學要誌簡章

- 第一條 靈學要誌爲本社 神聖佛崑筆勸世與救救劫之書售出善欸除刊資外專備慈善之用發行辦法依本簡章行之
- 第二條 靈學要誌每卷分十二期(即十二冊)全卷十二冊售大洋四元
- 第三條 靈學要誌應依左列辦法分售
 - 甲 本社及分社
 - 乙 本社社員
 - 丙 社外諸慕道者
 - 丁 各處崑壇善堂及其他團體
 - 戊 各埠書坊及商店
- 第四條 凡包售靈學要誌躉數者由癸亥三月起一律均照八扣如欲包售者請來函訂或面議
- 第五條 凡來本社問病問事者均由介紹人請其先購靈學要誌一份方能將所具之表呈壇叩求否則介紹人代備書價但實在無方者不在此限
- 第六條 本社已入社之社員均應買靈學要誌全卷
- 第七條 本社社員均負有勸銷靈學要誌之義務每人至少須擔任勸銷全卷五份倘不能勸銷即請每年自捐刊費十元以資維持
- 第八條 無論社員及社外之諸大善士凡一次購滿靈學要誌全卷十份以上奉贈全卷一份如銷數能再加多由本社隨時呈請 神示酌予獎勵之
- 第九條 凡訂購靈學要誌贈人在二十部以上而求銷獎錫福者由本社特別呈請 神行酌核批行之
- 第十條 凡每年捐助靈學要誌刊費百元以上者奉贈全卷一份並由本社呈請 神示酌予獎勵其特別捐助者特別請獎之
- 第十一條 本簡章如有未盡事宜得由本會職員會公議修改之
- 第十二條 本簡章自呈奉 神示批准之日施行



紫陽真人論清丹一貫之理 癸亥五月初九日

諸。修。士。勤。行。不。怠。大。有。可。望。惟。清。丹。工。夫。首。在。克。己。即。佛。家。所。謂。戒。重。在。涵。養。即。佛。家。所。謂。定。能。戒。而。定。則。達。於。儒。道。二。家。之。所。謂。誠。矣。經。曰。誠。則。明。佛。家。所。謂。慧。地。步。也。惟。天。下。至。誠。為。能。化。慧。而。空。矣。即。吾。道。大。丹。之。所。由。萬。古。不。壞。者。也。丹。經。千。言。萬。語。於。此。清。丹。工。夫。言。之。詳。者。甚。少。吾。今。特。為。指。明。三。教。清。丹。一。貫。之。理。與。其。下。手。處。使。諸。子。各。以。其。所。屈。與。其。所。近。者。之。資。質。或。用。克。己。工。夫。以。完。戒。或。用。涵。養。工。夫。以。竟。定。或。已。戒。而。定。用。誠。明。工。夫。以。歸。化。各。分。班。類。實。行。用。功。以。達。五。月。之。期。

淡子道功日進。涵養有素。戒定二層工夫。全已成功。社中够著用誠明工夫者。惟君一人為首耳。次則機子。惟定字。尚微缺耳。

道 詮

紫陽真人論清丹一貫之理

諸聖久謂美玉無瑕。爲修士中最上者。惟淡子機子而已。使人人皆如二子。則清丹工夫。可以免矣。次即濟子虛子二人。已成克己之戒。功當進於定慧者也。然須注意。戒定工夫。不是用了戒工夫。再用定工夫。須知是遇欲念。則用克己。遇天理。則用涵養也。故雖在涵養地步。亦有時用着克己工夫。雖在克己地位。亦有時用得涵養工夫也。上言階級。不過就諸人欲念已去者。或天理常存者。之大段處分之。使人各由所已至者。多用某功耳。然而不可泥也。又清丹工夫。既須以省察克治爲功。則凡對於省察之條件種類。應有若何規定。必須對於其人自己。所到之程度。與其資性之所偏者。酌爲定度。或徑自由學問經驗上。自行之爲要。

碧眼仙子學道有緣訓

癸亥五月十九日

學道雖人人可學。而得道必須有緣。道中含理。與數數有前定。亦爲因果。故修行之人。重在種德。以祈數也。數定則緣生。真仙佛真來度之矣。緣有前生。今生之別。前生有緣。而今生不爲善。不向道。則是自斷其緣。前生或未結緣。而今生多行善功。誠心求道。則亦能與仙佛結。今生之緣。故緣在己之結。不結不在仙。

佛。仙。佛。則。無。不。樂。與。人。為。緣。者。也。哈。哈。只。此。一。端。即。非。誠。心。向。善。不。可。諸。君。當。時。時。以。此。自。度。吾。緣。果。可。與。仙。佛。堅。締。否。乎。能。不。斷。乎。時。省。則。善。心。自。無。間。而。道。功。亦。易。成。矣。

紫陽真人論靜中自然 癸亥五月二十九日

初。學。者。靜。中。只。以。心。無。所。向。為。事。無。向。則。專。一。專。一。則。光。返。而。性。與。命。皆。在。是。矣。由。此。不。移。九。層。工。夫。到。底。是。一。件。事。不。過。到。丹。為。練。到。神。為。化。皆。順。其。自。然。容。不。得。一。點。人。為。在。也。意。媒。之。說。亦。是。順。意。自。然。之。勢。而。媒。之。非。強。以。人。意。為。也。切。切。以。此。傳。道。自。修。皆。得。近。徑。矣。

孚佑帝君論清丹工夫 癸亥十月初九日

諸。生。今。茲。以。往。漸。向。坐。丹。立。胎。處。去。故。事。先。教。以。清。丹。工。夫。清。之。更。清。以。至。於。一。點。人。欲。皆。無。然。後。大。丹。成。立。可。臻。上。真。若。有。一。分。人。欲。不。淨。盡。日。後。成。道。即。留。下。一。分。塵。根。究。易。由。此。瑕。隙。墮。落。矣。故。於。立。基。初。日。必。須。十。分。清。真。湛。然。虛。靈。不。少。迷。昧。始。能。萬。無。一。失。也。今。諸。人。雖。品。行。高。尚。而。在。世。間。終。有。塵。累。心。念。不。能。純。潔。所。以。必。行。此。項。功。夫。每。愛。念。起。是。妄。惡。念。起。是。妄。貪。念。起。是。妄。嗔。念。

道 證

紫陽真人論靜中自然 孚佑帝君論清丹工夫

道 詮

孚佑帝君論氣功 孚佑帝君論性命之功

四

起。是。妄。癡。念。起。是。妄。即。心。有。一。著。念。起。皆。是。妄。也。諸。人。須。從。今。後。漸。去。此。妄。從。裏。面。聽。命。令。討。生。活。方。是。也。勉。之。

孚佑帝君論氣功

哈哈既云道。吾即申說道。要夫人之一身。有無形之溝澮。有有形之川流。川流者。何即先天祖炁也。氣起於海。在夾脊關之第三節。氣伏於踵。在左右足之腳後。跟筋骨。非此不能鬆動。血脈。非此不能流通。太過則喘不及。則促。欲其平勻。惟在呼吸往來之相稱。而呼吸往來之相稱。只能平氣。仍非伏氣。若使伏氣。並非龜胎鶴息。置鴻毛於鼻端。而不動。聚精神於一處。彼此交煉。始能結無價之金丹。故丹經曰。無祖氣不足以成大丹。無子氣不足以煉藥物。祖氣為先天之氣。乃結丹之藥也。子氣為後天之氣。乃烹藥之火也。故子氣為臣。火上承。君下起。民即貫於神。而補於腎之要物也。爾修持者。不可不息心而求之者也。內修內煉。不外伏氣。養氣。凝氣。固氣。四者。蓋氣稟於天。故氣之關係。為最重要。人無氣。則精竭而神散矣。修持者。不可不三致意焉。

孚佑帝君論性命之功

淑德真君所示道言。吾社諸弟子不可忽略讀過。蓋載道之文在精不在多。即如儒書曰。放之則彌六合。卷之則退藏於密。二句。即性功也。而命功亦在其中矣。上一句。即吾社弟子某所說動時功業。蓋寰宇靜處。光輝彌地天之謂也。下一句。所云。卷字。退字。藏字。密字。諸生皆須層層注意。須知如何卷法。如何退法。如何藏法。密在何處。即吾社弟子某所謂與天地合其德。如何合法。與日月合其明。如何合法。種種言辭。非深知造化之柄者。夫豈敢發此問辭乎。諸生能將此二句之精華。求到則內聖外王。內仙外人。不難次第而皆得矣。諸生勉乎哉。

偈語 癸亥五月至十一月

碧眼仙
玉蟾仙

風定塵尙起。雲歸鳥未歸。半山繞烟靄。初日一團微。

碧眼仙

問道談玄須遇緣。道含理數定諸天。善因福果亦如是。漫指真玄是講篇。

紫陽真人

春煦明慧斯心如沐。微波淡淡小風寂寂。幾處畫舫送我歸陸。

道 詮

孚佑帝君論性命之功 偈語

碧眼仙

憑君說盡金丹法。不是金夫不點頭。幾度汞鉛傳秘訣。重重十二漫登樓。

碧眼仙

旭日滿晴關。朝風和不寒。山川有清色。禽鳥自怡顏。中蓄頗真實。外含亦近丹。憑闌無限意。尙爲紫峯看。

王仙

約畧聞君說坐禪。禪機常在有無間。此心好比天空月。罣礙都除永寂然。

孚佑帝君

禪意原無意。人心只幻觀。要如山浸水。莫使水搖山。真境須臾見。玄機仔細參。陰陽迴太極。首自兩端探。



論著

救世新教追遠堂規則 乙丑六月修正

- 第一條 本教總會設追遠堂按時祭祀歸事院禮事部供奉科掌管其一切辦法悉依本規則行之
- 第二條 凡教士已蒙提度之直系旁系及親友各先靈經該教士函知到總會請祀者均應設位
- 第三條 凡教士之先靈未經提度而本總會奉有 神諭超昇者經教士請祀均得設位
- 第四條 凡本總會教士謝世本堂應設位祭祀至各分支會教士謝世經該會領袖簽名蓋章函知總會一律設位均先通知其後裔親屬
- 第五條 男靈位供祀於正左龕女靈位供祀於正右龕已故男教士位供祀於東龕已故女教士位供祀於西龕
- 第六條 每年分春秋兩季祭春祭以清明節前三日內為祭期秋祭以中元節前三日內為祭期
- 第七條 春秋兩季各先靈之後裔親屬均應與祭行禮由教統副教統分班主祭如教統有事時副教統代之
- 第八條 副教統有事時院長副院長代之
- 第九條 每月朔日拈香行禮一次由教統派院長副院長部掌行之各後裔親屬願隨班者聽並可不拘何日恭詣先靈處行禮
- 第十條 凡孤身旅京之後裔親屬遇其先靈生忌週忌等日得詣追遠堂行禮上祭延請僧道或親友來堂誦經其由外省暫來京師者尤應恭詣該處叩謁其先靈並得供陳祭品
- 第十一條 凡禮節均一跪三叩
- 第十二條 春秋兩季祭及安位應用祭筵香燭楮鏹其月朔之期僅用香燭楮鏹
- 第十三條 各先靈之後裔親屬於安設靈位時每一靈位須先交設位費六元專款儲存作為本堂基金其春秋祭祀費即由基金利息項下開支
- 第十四條 關於本規則第九條之祭費由該後裔親屬酌量豐儉自備之
- 第十五條 除初創時安位典禮外凡陸續請設先靈位者由該後裔親屬自行安位禮並酌量豐儉自備費用
- 第十六條 本規則如有未盡事宜得隨時呈請修正之
- 第十七條 本規則自呈准之日施行



論 著

程真人濟南悟善分社攝影序

甲子三月初一日濟南分社

今日寒食。明日清明。後日上巳。佳節連朝。春光恰好。又况九天僊侶。來會人間。齊魯英豪。相攜戾止。人天歡舞。續蘭亭修禊之風。道教宏開。肇萬物生成之始。僊鸞下於庭際。丹霞綴於空中。春色大千。桃李耀其新豔。和光無極。蝶蜂飛於輕烟。明湖分酌。突之泉。千佛聚泰山之麓。地名青海。疆開禹貢之圖。風演儒宗。人入仲尼之室。戶聯千里。猶聞犬吠鷄鳴。國號三齊。更憶官山府海。民足魚鹽之利。俗傳禮樂之音。蓋已紀文化於萬年。而應昌期於百世。列門濟濟。共傳新教。以匡時。呼酒殷殷。且話夙緣。而悟道。機不易得。事在初基。相期惜此春光。毋忘前烈。就茲勝境。各建殊猷。且留鴻雪之痕。以證人天之果云爾。

註。此奉 師命。為濟社同人攝影序。拉雜書之。不可以文論也。

論 著

程真人濟南分社攝影序

孚佑帝君論氣數 甲子四月初一日

宇宙間只是一箇數縛住。而數之內則氣主之。數之外則象見之。古人有謂先有象後有數。其實不然。數循道出。象因數演。一物之名非先後也。不過吾人神智不足。不見數之真。則必因其見於外之象而求數之。所以然此卽先象後數之說。故知數者必不語象。而循象以求數者。又或失之。或得之。蓋數爲一貫象。則萬類執此例。彼則似是而非。分大爲小。則名同實異。如乾爲天。爲其大者也。而其餘各象。則以次差等。若執其一以論數。則失之甚矣。是以善測者。須略象以求數之真。而主此數者。則有其氣。氣始於太極。分而爲陰陽。陰陽者。循環無端。抱而勿失。和而勿亂。乃爲正度。其數之應也。亦正。若有舛錯。或過不及。則其爲奇變。而數亦應之。故欲知氣數。必先悟乎天道。天道常而不變。中而合度。故能悠久無疆。若人與物。輒因秉受之偏。境緣之過。隨變而失。不保其常。氣之不正。則數爲之不備。數之失中。則象爲之瞽惑。此應感之必至者也。故君子修道。以俟命爲善。以迎祥。莫非爲持其氣。而度其數也。吾輩修道有日。以立命爲始。基固更可超氣數。而出之。以由太極返乎無極。而爲教之要。係淺一層說法。則

氣數之理亦不可不知。以期通達物情。了解造化。而漸企於道。故吾特詳及之。至若讖緯神秘之事。爲術數家言。似又不須求之矣。

天旨勅封錢教主文

甲子五月初四日

咨爾玄機。文華傳世。道德承家。作政治功在民生。建教化誠通天界。既崇仙祕。復啟佛宗。儒盡德行之昭。耶回有公勤之懿。身兼五教。心在大同。充宜錫位真人。策名教主。天曹早有黃誥。而今更給綸音。人世已返朱輪。於此永歸本位。仰傳敕命。授以金闕廉玄主掌。封號普明正化真人。并飭送絳闕隨侍。孚佑勤宣新教。眞靈長在何間。人天德化無垠。大茲道教。欽此。

謹按。天敕未降之先。奉孚佑帝君諭曰。玄機有志未竟。渠在天猶不得離教。吾亦不許其作自在仙人。仍當責以教務也。再。玄機實爲救世新教第一世教主。將來教中皆奉爲至尊之教主。此刻吾已請封於闕。並請各祖宣布教敕。以後諸人稱爲教主。勿再稱名及教統也。

姚姬傳真人乩示錢教主神誕文

甲子五月十二日

人壽幾何。彭祖爲夭。殤子爲壽。由有極推之無極。蓋誠然也。古聖無分儒道。皆

以死爲歸。是死者實得歸家安適。一念不興。一塵不染。謂之爲壽。孰有壽於此者。天地間不生則不死。莊叟老子。非誣言。亦非寓言也。傳曰。君子息焉。小人伏焉。大道圓圓。亘古如斯。曰勿怛化。曰勿自縛。曰歸復。皆人之隨於大化而莫能自主者也。輪迴遞遷。凡衆芸芸。氣有所動。精有所詣。即投六道。各之所之。惟大聖與至人真人不然。順乎天地之無。依於天地之根。混沌返復。金流火焰。萬物壞毀。而聖至真者不壞毀。四大迴旋。而聖至真者不迴旋。常清淨矣。常無爲矣。常無無矣。常無無而常存在矣。凡俗弗見弗知而弗經。謂之曰死。是死者死耶。而弗死耶。抑死而猶生耶。古今來死於是者。皆凝神於天。布氣於空。無間崑崙蓬瀛。無弗厲焉。其死而實生。而實壽。天下又孰有能逾於此者乎。吾悟善總社救世新教教主。於甲子歲五月四日脫去塵俗。人所謂死者。吾輩惟見其生。惟見其歸。惟見其歸而生於斯日者。以迄於無終窮者之大壽。是時也。既賀其生而歸。斯不得不明剖諸凡俗。使各釋厥悲。遵厥道。求所以達於聖至真之境。則天下教化。不將有所益耶。爲有益故。藉乃作錢教主神誕文以示之人云。

姚真人又諭曰。唉。人間少一大賢。天上多一神仙。果如宋儒所言。則神仙不如

大賢多矣。一則住世行仁。救蒼生於今日。一則棄世得道。施默化於千秋。以俗眼觀。自然在世行仁爲實落。嗚呼。前經壇。老祖於棄世一章。返復致意。已寓此旨。迨四月十八日庚期。老祖明以各教祖爲比例。至談及錢君。則曰。一病而已。須重讀此已字。噫。今吾等反能覲面。諸君已成隔世。室邇人遠。念此地相聚時。諸人何堪。情之至極。即聖賢仙佛所不能忘。况吾社之中天柱石者乎。錢教統升天前之三日。女壇。觀音大士示曰。必可保無罣礙。此等不得已之斷句。其意甚顯。又曰。齋戒三日。決勿用藥。已示以日期矣。江統曾憶錢教統得病之第四日爲本社正期。帝師臨後。即先將諸事付託。尙能記得否。噫。此皆錢教統未升天以前之重大命令。已明示一切。特未便詳言耳。

謹按。四月十八日庚期。老祖示曰。玄機之災。此定數也。孔子將成六經。救萬世。故終身不得行道。且厄於人幾殆。佛將普度衆生。故先捨棄四大。菩薩欲救衆苦。故化去肉身。親入地獄。耶祖欲倡天道。故自上十字架云云。彼時皆以爲從引故實也。詎料此即明示以錢教統之不起也。不然。其時錢教統甫病。何以言及捨棄四大。化去肉身耶。又四月十八日。老祖示曰。錢教統

亦不過一病而已云云。彼時從表面觀之。方甚欣慰。詎知而已之已字。須重讀乎。又五月初二日女壇。大士謂必可保全無望礙。齋戒三日。決勿用藥云云。無望礙者。即佛經所謂無望無礙也。必可無望礙。字面似甚好。而實則無望無礙。即脫離塵俗也。女壇係五月初二日。而錢教統升天係五月初四日。是。大士明示以升天之期。即在三日內矣。升天之後。當然勿用藥也。又四月十五日本社正期。帝師訓勉江副統曰。此有志人也。必能負此接續之任云云。彼時羣相驚愕。錢教統初病。何至需人負接續之任。今細思之。語極明顯。茲。姚真人將前諭一一指出。始恍然大悟。又錢教統升天之前一日。日本社爲其拜斗求壽。奉密諭謂教統魔劫極劇。此魔如何能去。不敢過洩。其病不言而喻矣。然壇訓屢言無妨者。亦安病人心耳。所言勿用藥者。非謂勿藥能愈也。又本總社懸鸞壇在三層樓上。除奉壇諭指定之人外。餘概不准擅入。上年夏間。帝師曾言錢○○壽算不足一年。現正設法挽回。恐難有效云云。隨命將謄稿當壇焚化。如漏洩。受天罰。初不意錢○○即錢教統也。

五教教祖封錢教主文

勅曰。咨爾玄機。前任教統。勤勞卓著。誠感神動。善念成德。誠信得道。仙冊注名。天賜封號。惟德存神。惟善成真。教立首功。應錫嘉榮。冊名新教。第一教主。世祀弗替。教共悠久。既酬乃庸。亦勵後人。千秋萬古。俎豆常新。欽哉此勅。

右授與救世新教第一世教主勅封普明正化真人錢玄機恭受

姚姬傳真人祭錢教主文

甲子五月二十六日

維吾新教。合之自五。道佛耶回。儒教同伍。追溯此教。合自誰始。曰吾錢公。人間肇啟。既草規模。漸備典禮。載興教義。載製教綱。五聖疊降。昭示皇皇。乃端冠冕。乃傳金章。宇內嚮風。二帝三王。其道至聖。其教永昌。大業方著。天遣巫陽。迎公返駕。上居帝旁。厥星燦爛。芒芒輝光。羣真畢來。賀於蓬萊。帝君授簡。親觴玉杯。迺受勅命。爲一世主。垂裳拱默。真人之首。普明八荒。無無有有。維誠斯在。維感斯宥。其形其神。如左如右。化施教行。與道竝久。無用悲哀。且羅漿酒。維吾至友。神氣常守。諒茲獻辭。弗敢或苟。同門同級道友姚蕓謹於甲子夏五月廿六日人間與祭。

自註。吾等對於吾等。如人世同年得第。宜相賀。豈宜祭弔乎。顧狗人情作祭文。然所重者。固在彼而不在此也。此是功德神仙顯著之文。足以勵人。若入俗手。句句哀號。便離本社之旨。

又註。暑日重蒸。樹盡禪。何當柳蔭聽流泉。心中早卻憂勞事。又爲人間弔逝川。茲代宣。五教教祖有輓聯云。天命之謂性。率性之謂道。修道之謂教。誠則明矣。好學近乎智。力行近乎仁。知恥近乎勇。大而化之。帝師輓聯云。聖人以神道設教。君子素其位而行。

姚姬傳真人代悟善社同人公祭錢教主文 甲子六月初三日

吁嗟哀兮。哀復喜兮。惟我教統。創教建業。一旦騎箕。龍翼鳳佐。人世悽愴。失我天柱。用吁用哀。弗可仰視。天上歡樂。頃獲天輔。用哀用喜。不宜悲傷。謂厥孫子。至禮以止。謂厥室家。充善隨化。吾輩道中。識生死路。識涅槃理。惟我教統。實已解脫。帝命皇皇。人弗得知。奄在帝旁。儼在迦藍。精爽魂魄。如如蠕蠕。並非虛空。空中有實。自由自在。弗滅弗沒。萬古千秋。常住於是。自伊回觀。朽尸若獄。自吾仰望。神靈如佛。念自心來。境從幻生。爾心勿累。爾衆勿憊。稍差一念。難與

統接。惟我 教主。實憑在上。惟我教主。解化爲精。精歸於一。棄世道成。太乙預授。孚佑預名。生有由來。歸有所爲。非人所知。吾道獨知。是捨悲痛。喜送主歸。懿與休哉。尙饗。

姚姬傳真人教育淺說

甲子五月二十日

近今世道不古。離經畔道者。比比皆是也。究厥由來。始於清之末季。而成於民國之初。當清之末。開門戶之禁。媒西國之學。知其要而取長棄短者。什不過二三。明如張之洞。識如袁世凱。皆不能避此責。而海內淺嘗之學子。自以爲得風氣之先。茫茫然盲從瞽說。重外以輕內。相習已漸。清乃覆滅。至民國遂大張其風。自小學迄於專科。無讀經之必要。尙橫蟹之末技。以中易西。作爲字母。背蒼聖之舊規。棄孔子之言論。於是自由平等。合羣競爭。小學之初。即已以之課童子。長而學。壯而習。先聖之綱常。彼烏得而知乎。學矣習矣。已弗他知矣。醉心於此者。肆其志。學習於此者。行其學。與習是固。無怪乎爭權爭自由者。之滿天下也。教之以此。而責此人。爲不如此之事。天下甯有是理耶。天下之人。莫不從之。乃欲以一二人之力。教而化之。寧有濟否耶。孔子嘗言之矣。其所令返其所好。

則民不從。孟子嘗言之矣。發於其心。害於其政。孟之所謂。清末民初之事也。孔之所謂。今有識與主國者之事也。日日惡爭亂。欲平定而卒不能平定者。得毋所以教之者非耶。嗟乎。盍亦反其本矣。夫小學爲國民最初之始基。造端若正。由於道而尙於義。尊經習禮。辭讓之心生。而廉耻之道長。童而學。長而習。壯而行。一家如此。一校如此。一郡如此。一省如此。風而化之。合家家校。校郡省省。大同如此。則天下寧有復相爭相亂者乎。是故聖王之道。百世不能易。鬼神不能外。天地不能逃。順而行之。則治。背而棄之。則亂。正西人所謂天演定例。萬週千季。所不可避者。固在此。而不在彼也。夫教育爲國家根本。大計。此後東西各邦。亦將返於道德和平之一途。其教育方將倣吾先聖之大經大法。吾國人何弗先自返哉。至於外交。交通。農商。學有專科。又未可盡棄西學而自恃精神也。是在有宏識者。變化而統系之矣。

自註。上文乃勸今教育界及當局者。名曰教育淺說。吾社方以教統天下。海內外。此則救吾本國之偏者也。救偏之論。不得不少偏。方足以矯正之。然吾國實犯此病耳。此篇但對內言。未足對西人言也。吾末論教育未來之言。則

漸引至世界教育矣。

南屏濟佛說苦樂

甲子六月初二日
濟南分社

人在此暑日常畏熱。以爲不如冬日。而至冬令雪霜之時。又苦寒。以爲不及夏日。其實冬夏同一苦耳。境過則情遷。故以爲優劣。總是幻想。一年之中。惟春秋有幾天佳日。而僅此幾天。能消得他。清清閑閑安樂無事者。又有幾人。故天地間除却我輩仙佛。誰是真得樂境之人。大半皆是苦中作樂。而樂時仍不免苦耳。只有我輩形骸已毀。去住自在。冬不苦寒。夏不苦熱。飛來雲鶴。無罣無礙者。方是修道的究竟。我輩先只把此身。放在圈子外。一切境遇。當作幻觀。自然解脫。種種煩惱。譬如我見他人病苦。十分煩惱。雖亦代爲之苦。實則絕不相關。故能跳出圈子。卽能安閒自在。要把此身。看同他人。雖有苦惱。於此心無關。手足五官。身體百骸。都是四大幻合之物。我所偶寄者也。即受苦痛。亦一時之幻變。初無我事。如此設想。自然在圈子外。不至有所苦。即無時不樂矣。



德園

悟善總社特別法壇規則

本社第二屆法壇辦竣後奉

何真人諭諸人遇思親時即可請於

帝師得與親晤談又奉

姚真人諭凡未到之後裔有欲因事補請法壇者

師恩極寬一概准行又奉

帝師諭此後法壇吾擬於下午六時至十時每次至多三家各等因遵經查照從前本社特別專壇成例

擬訂特別法壇規則於癸亥十月十八日呈奉

帝師批所擬甚妥照行等因茲將規則刊載於左

第一條 本總社法壇除公眾法壇外凡特別請求召集先靈者悉依本規則行之

第二條 凡已入追遠堂之先靈無論曾否降臨法壇其子孫均得請開特別法壇

第三條 每次特別法壇至多不得逾三家其一家或二家亦得請求開壇均由請求人先期具表

呈 壇批准

第四條 特別法壇請求人應先期齋沐如承大祭以期感召

第五條 特別法壇於下午六時開沙其日期不得與社中各壇相同

第六條 每次特別法壇需用香燭紙張供品茶水飯食暨電燈一切各費三十元由請求人公攤

一家則獨任之均須先期交納如願多交納者應專備善舉之用

第七條 本規則如有未盡事宜得隨時修正開會公決之

第八條 本規則自呈准日施行



詩
詞

崇德何真人

癸亥十月十九日
北京分社

寒日籠烟山意禪。荒林又見老梅妍。春心一縷冰壺內。恰比人間換骨仙。

自註：你們知道造化奇妙處否。霜寒雲冷。水凍山枯。豈非極荒涼清寂之境。而嶺南梅樹。早透春光。地下竹蓀。暗舒生意。不曾幾日。黃添嫩柳。紅綻夭桃。落寞冬山。又換為繁華春景。其懷胎之真氣。未嘗隨霜雪以摧殘。故活潑之生機。終古運乾坤於不息。此即所謂道之妙用。造化之神功也。歟。諸子當細參之。毋謂修行者之好為枯寂也。

王仙

癸亥十月十九日
北京分社

飛盡霜紅山更老。流來冰白水無塵。夜深有月懸天半。獨照仙人下玉清。

劉仙

癸亥十月十九日
北京分社

詩
詞

輪指年華到甲期。滄桑新局宛如棋。東南海。浪龍初起。朔漠烟。霾虎正嘶。撒網漁翁歸已矣。騎驢征客意。淒其村前猶見紅林近。款步相攜欲問斯。

謹按是詩似有寓意。

孚佑帝君

癸亥十月十九日
北京分社

蕭然白髮翁。來向人間住。伊誰識姓名。愴然獨來去。青峯碧嶂幾重山。山中多有仙人侶。指輪揮日月。劍囊藏風雨。笑語傾江河。嘯歌搖玉宇。問我世事不肯言。願君自問性中天。茫茫物類同周旋。瓊漿玉液皆丹立。拾取真陽成吾全。何論證佛與成仙。

自註諸生誠心求道有日。吾所指授皆道中語。

楊真人

癸亥十月二十九日
北京分社

天運如車輪。循環周復始。人物處其中。隨輪轉。胡底晦夜明星曜。朝來日鳥起。茫茫望無垠。惟此光華裏。木脫驚歲寒。花開知春至。春冬歲復歲。白髮垂君耳。盡此轍中過。遺痕能有幾。變者無已時。常者無時已。大道執其常。毋逐變者止。志士忘物我。聖人爲道紀。悠悠豈智慧。忙碌徒爲爾。不知天地心。清淨原如水。

自註。道祖譬道如水利物而不居功。故善持身者須守中道。勿隨物變。道者無名無形。無不中亦無可變者也。吾人至春冬而感寒暖。天心未嘗易也。易者必終。不易者始能悠久。故欲測天運。須從其不易者徵之。知不易者。則易者無不知矣。故前知必待至誠。而神通智慧。皆發於禪定也。

何仙

癸亥十月二十九日
北京分社

雲滿空山梅待雪。魚潛深水藻浮冰。歲寒萬類爭禪定。真氣常通澈上乘。

李佑帝君

癸亥十月二十九日
北京分社

飛走亦有性。天地豈無情。空山萬木脫。深淵千尺冰。凜冽朔風起。彤雲散寒瓊。片片如絮舞。著手涼不禁。啼鳥覓枝棲。瘦鶴伴梅呻。感此念貧苦。饑寒誰爲仁。自註。年年皆有冬日寒冷之候。貧者更難爲生。吾亦屢屢勸諸子爲籌賑濟矣。今茲又屆冬令。風雪之虐。正苦斯民。諸子慈善。仁以愛之。智以謀之。勇以行之。則凍餒者又可仗人力之施拯。補天時之缺陷。而諸子之功德。亦足輔上天好生之仁。豈非合於道之所爲耶。道在內外並進。誠以天道雖無爲。而人道則首德。德即行善所得。故德也者。必有得也。諸子積德。不必盡出之於

詩詞

已。苟能勸募。或贊助。盡其心力。皆德也。

何真人詠梅 癸亥十一月初二日

探得梅消息。生機老幹蟠。花容將破笑。山意欲衝寒。北陸飈方緊。南枝秀待餐。峰頭螺活黛。林下鶴舒翰。地合尋芳選。天教釀雪看。橫斜流水徑。浮動野橋欄。峭影傳神遠。疎枝入畫難。羅浮果仙境。春意盍吟壇。

自註。偶見山意衝寒欲放梅而吟此。恒君以爲如何。

黃仙 癸亥十一月初二日

千。秋。萬。古。之。元。氣。陰。陽。鼓。鑄。成。靈。胎。或。如。滄。溟。鵬。振。翮。浮。雲。開。或。如。渤。澥。龍。盤。礴。生。怒。雷。發。聾。瞶。明。愚。昧。豪。情。浩。氣。橫。九。垓。古。之。英。靈。皆。如。是。山。人。秉。性。將。毋。似。夜。坐。中。庭。弄。七。絃。冷。冷。風。雨。生。蘿。薜。交。遊。盡。是。太。古。風。論。道。深。得。玄。玄。訣。吁。嗟。乎。胸。中。奇。氣。滿。古。今。拔。劍。起。舞。光。閃。灼。

何真人 癸亥十一月初十日

幾度西風吹木葉。十年南國老梅花。清閒不奪人情愛。只戀寒山舊有家。

自註。此是隨便湊湊。算不了什麼。他日高興。當與諸人再續蓮池勝會也。

靈

學

要

誌

余真人遊華山 癸亥十一月十三日

華嶽山在最高處。自有白雲常來去。吾來正值雪花飛。萬人峯頭足難住。山人招吾入仙館。茶香氣氤貯清氣。少坐頓使心地寬。勞生碌碌息塵慮。仍當結茅在此間。消受明月清風味。

自註。優游華頂。率賦一首。

何真人 癸亥十一月十四日

近來詩筆倚天橫。獨掃浮雲出太清。明月照人人。照月直教頑石盡。空明。

小鶴仙 癸亥十一月十四日

寒雲盡處見青山。自惜翎毛霄漢間。一別岳陽秋又老。年來幾度夢榆關。

自註。吾從 諸文伯近遊燕趙。不復爲岳陽漢臬之會久矣。人間能無黃鶴一去之恨耶。噫。

姚姬傳真人 癸亥十一月十四日

晚卸鸞衣曳杖來。人間又見老梅開。沽錢不足金貂換。微倖春風酒百杯。

曾仙詠梅 癸亥十一月十六日

詩詞

五

芳標獨占百花魁。修到何生畫閣開。夜月神仙聯眷屬。春風桃李總興臺。寒尋松竹堪爲友。骨鍊冰霜不染埃。古服新妝饒嫵媚。清新欲賦廣平梅。

孚佑帝君 癸亥十一月十六日

廬山落日天黃昏。浩然浩然歸鹿門。柳邊不用待船渡。林際惟聞棲鳥喧。去時月落鹿門路。來時烟鎖江頭樹。金闕玉蟾弄素輝。石鏡青苔屢回顧。屏風九層何蒼蒼。前招三辰後鳳凰。探梅庾嶺踏殘雪。探藥天台聞妙香。仙人不住襄陽久。豪情雲夢吞八九。行過龐公舊隱居。寒鴉猶宿先生柳。

自註。偶憶前作。不知自流露於外也。

姚姬傳真人 癸亥十一月十八日

寒夜無人漏下初。扶雲倚鶴當圍爐。憑空一笑風還舞。戲對嬋娟共步虛。

自註。諸人怕不能相從。一享此樂。比人間舉杯圍爐。瀟灑多矣。

何仙 癸亥十一月十八日

平旦氣清明。扶筇愛獨行。雲開露山色。風過帶鐘聲。野屋霜濃積。疎林鳥亂鳴。嶺梅舒冷豔。侵曉倍多情。

靈

洞仙癸亥十一月十九日

梅花如雪幹如鐵。明月如霜風峭絕。鸞驂飛下九天來。萬種情懷那可說。

何仙癸亥十一月二十二日

白雲擁風走紅日。銜山出回顧望仙樓。江天烟黯沒。

何仙癸亥十一月二十二日

爲到羅浮訪玉梅。挂枝冰雪剪刀裁。林間白鶴真清絕。鎮日逍遙亦快哉。

何仙癸亥十一月二十九日

天寒樓外凍鴉聲。啼破殘陽春又生。醉後扶筇上南嶺。一鉤新月鶴魂驚。

程仙癸亥十一月二十九日

年年如是舊更新。又聽街頭臘鼓頻。莫恨人間頭易白。可從箇裏悟長春。

南屏濟佛癸亥十一月二十九日

一年容易盡春風。催歲華。萬物潛其生。天地回春芽。陽長陰日消。造化轉靈車。精神暗舒展。藏育無忒差。人處兩者間。何據爲生涯。今朝馳駿馬。明日醉流霞。容顏暗中換。齒豁頭更花。滿目物景殊。十年無故家。冬夏寒暖異。日月晨夕賒。

誰能挽逝矢。老去空悲嗟。念此色中空。何爲困塵沙。大道長不滅。眞如長不加。願君悟吾語。無住卽爲佳。幻影不可捨。靜觀心與他。自在觀自在。煩惱胡生耶。自註。老衲非饒舌。特以此相警。知歲月無常。眞境難住。年復年。老者死。輪迴萬劫。何能自了。故佛勸世人。早日求道。以期解脫。今歲又將換矣。老衲與諸君例。有幾日別。特以常談重提一番。聊爲新年頌祝辭云。

馮仙賞梅 癸亥十二月初一日

寒威初歇日含暄。三兩南枝豔未繁。斜印清溪留月影。峭橫前嶺破霜痕。自從枉識林和靖。誰肯重吟戴北原。還我一杯春意足。嘉平元日醉芳園。

自註。此吾等自記遊園賞梅詩也。

何真人 癸亥十二月初三日

調梅和雪當朝餐。洗滌詩腸不覺寒。久向烟霞藏足跡。何妨鐵石作心肝。閒攜美酒花間飲。醉抱焦琴月下彈。畢竟深山高隱士。無憂無慮地天寬。

孚佑帝君詠梅 癸亥十二月初三日

山風吹得野梅開。冷月輕烟薄醉來。幾樹橫斜臨淺水。暗香脈脈浸雲臺。

孚佑帝君 癸亥十二月初六日

寒雲幾片送鸞程。山色蒼茫入望清。剩有一鈎明月好。金臺斜挂不勝情。

孚佑帝君 癸亥十二月十五日

一枝鐵杖作龍騎。風爲車兮雲爲旗。海門湧出一輪月。萬籟無聲身飄忽。瞬息飛過北海西。白浪無垠碧天低。龍女明珠獻海底。山頭虎嘯風淒淒。隻手擒來吞入臍。從此壽可與天齊。翻身飛上崑崙巔。身輕足下生雲煙。子晉來攜手。洪崖笑拍肩。報到瑤池開瓊宴。阿母今日會羣仙。何不早返大羅天。大羅天樂無邊。寄語諸生快着鞭。快着鞭。

李仙 癸亥十二月十五日

風轉江心石。雲藏天外山。濤驚飛鷁穩。木落健雕還。岸蘚經霜老。溪花笑客頑。何緣不歸去。閒却舊松關。

劉仙詠梅 癸亥十二月十五日

冷豔似高人。冰姿不染塵。踏來三徑雪。占得一枝春。姑射成名久。羅浮閱歲新。幾生修到未。好與月相親。

平仙癸亥十二月十五日

變幻風煙畫不如。人人都愛夢華胥。月圓月缺誰消長。雲去雲來自捲舒。地脈通靈山毓秀。源頭來活水成渠。只須洗得塵埃盡。一顆明珠照太虛。

宏教柳真人癸亥十二月十五日

斜日寒雲鴻雁過。遠峯近水牧童歌。西風牛背青山好。贏得天然畫圖窠。

宏教柳真人癸亥十二月十七日

荒村賸鴉噪。古道絕人踪。線脫風梳柳。針長雲補松。危崖蹲虎豹。老樹化虬龍。踏遍千江雪。纔逢一釣翁。

崇德何真人癸亥十二月十七日

亭中鶴去幾時還。辜負梅花笑破顏。惟有湖中明月好。夜來仍對舊孤山。

孚佑帝君癸亥十二月十七日

偶登金頂醉斜曛。獵獵罡風醒宿醺。足下峰巒圍作幃。半空鸞鶴舞成羣。雪山堆積千年雪。雲海奔騰百丈雲。何處道人來說法。滿天花雨散紛紛。



重刊

孚佑帝君易說出版廣告

道之大原出於天而所以闡明道之迹象者莫易若焉故易經一書實吾國聖學之根本儒者釋易自漢京房氏而大著道家則魏伯陽本易以作參同契二氏以後道儒各相祖述註疏之作汗牛充棟然皆無如我

孚佑帝君所註易說理解詳明實超諸家而上並不囿於一偏洵易註中之鴻寶秘笈也坊本亦偶有售者然闕文甚多茲本社經典部搜集古本補其缺漏並請姚姬傳先生乩筆補序付諸剞劂刻成木版字體大而明顯用最高毛邊紙印成每部裝訂六大冊公諸同好以爲研究大道之資僅收回刊板紙張費大洋二元外加郵費二角欲訂購者請寄款本社即爲寄書不誤用特廣告幸賜覽焉

北京悟善總社書誌發行處啟

唱酬



湘仙 癸亥九月

身作烟霞客。心存太古風。柴門聲寂寂。花影夜重重。簾捲青山裏。詩敲皓月中。幽居無俗事。意興與人同。

和作 江慧濟

欲訪湖湘勝。親乘破浪風。山空烟數點。木落影千重。人住桃源裏。帆懸月夜中。蒼茫生遠思。此意古今同。絕頂登臨處。襟懷萬壑風。山光看隱隱。雲影罨重重。人在青冥裏。泉飛碧落中。靜觀天地濶。造化大千同。

何真人

日暮千山暝。疎林噪寒鴉。黃葉隨風舞。碧烟逐鳥賒。孤峯新月出。遠樹白雲遮。

唱酬

唱 酬

樵唱隔溪起。快樂野人家。

和作 江慧濟

鐘敲巖壑暝。夕照送歸鴉。隱隱炊烟舞。悠悠客興賒。樵唱深林出。漁燈短岸遮。天末微風起。伴月到山家。

何真人

遠山起晚烟。落日照江邊。萬壑松濤響。一輪海月妍。孤帆飛岸畔。群鳥度峰前。獨立霜天暮。狂歌一快然。

和作 江慧濟

古寺鎖寒烟。峰明落照邊。隱隱荒鐘響。蒼蒼翠柏妍。菊殘傲籬畔。飛泉古洞前。寂歷山村暮。對月獨翛然。

何仙 癸亥十一月

林木風吹瘦。山梅雪補肥。騎驢吟興健。放鶴夢魂飛。屋外祥雲繞。門前車馬稀。道人扶杖立。只見泌洋微。

和作 江慧濟

庾嶺梅花瘦。巖關塞馬肥。山前霜隼健。天外汽機飛。和詩時適汽機飛行空中古寺嵐光繞。寒林雁影稀。層樓人獨立。數點曉烟微。

姚真人

青山暮靄間。梵寺鐘聲歇。天邊含烟樹。雲際過鴻鵠。垂簾裊篆香。繚繞翠峰疊。心遠境自近。詩清意翻默。陶然對夕陽。此情不容說。

和作江慧濟

夕陽在樹間。飛鳥未休歇。空山靜不言。遙見天際鷓。巖壑起雲嵐。晚霞襯萬疊。忽聞清磬聲。悠然情自默。跌坐息遠思。無無無可說。

何仙

水落岸容瘦。雲深山色肥。淡烟隔村起。殘雪帶風飛。鳥語疏林鬧。馬蹄曠野稀。平明登絕頂。曉景正熹微。

和作江慧濟

石骨寒添瘦。山容雪補肥。滄溟紅日出。大野碧雲飛。寺古鐘聲遠。江寬帆影稀。遙看烟數點。曙色正霏微。

唱酬

洞仙

疏烟籠白屋。斜日下蒼岑。積雪無人掃。野梅何處尋。老僧逢曲逕。歸鳥入寒林。月照空山裏。阿誰彈古琴。

和作江慧濟

雲收天宇淨。日色冷青岑。曲逕逢僧話。幽香待客尋。疏枝臨淺水。新月入深林。俯仰千山暮。歸來學古琴。

孚佑帝君 甲子二月初五日

嘗聞二月二。呼爲龍擡頭。曲江上。鬧龍舟。龍池春水碧。於油龍泉劍氣冲。斗牛千紅萬紫芳。菲門競渡一似端陽候。偌大江山如錦繡。年年風景歎依舊。喚龍開口龍擡頭。古諺未必無來由。吾游適過東海東。突然海上來蒼龍。頭角崢嶸氣象雄。翹首呼天雲不從。吁嗟乎龍兮龍兮爾何求。爾欲飛騰崑崙邱。爾欲鼓蕩萬里流。爲雲爲雨蘇民愁。獨不見乾道變化棄初九。非其時兮何見首。三陽未長胡亂走。一場野戰成烏有。吁嗟乎龍兮龍兮爾勿憂。領下明珠莫暗投。九五時機爾知不。風雲際會足千秋。負舟之志爾能酬。捧聖之功爾可收。河清海

宴會皇洲。昂首天外。任遨遊。

自註。吾前日偶過東海。見一蒼龍。而戲占此歌。今錄示諸子。因内含微妙。并考恒廣之靈。汝等可參合吾意。

和作 江慧濟

大道本無二。傳述緒千頭。銀河上好行舟。三春花雨潤如油。星月光芒射斗牛。龍降虎伏。消爭鬥。陰陽配合。溫火候。雲霞紛披。如織繡。風景雖新。河山舊。噫。緘金口。認源頭。杳兮冥兮。有根由。作夜夢游。扶桑東。海邊觀日。戲蒼龍。揚鬚舞爪。氣自雄。噓氣行雲。我亦從。噫。嘻兮。時哉。時哉。貴自求。勢欲飛。上須彌。邱勢欲翻。波水倒流。天地澄澈。洗閒愁。要猛省。一二相因。費用九。失却個中。何爲首。春雷一聲。天邊走境處。無無中。有噫。嘻兮。時哉。時哉。君莫憂。一粒丹砂。莫誤投。和光混俗。君知否。萬千好景。春復秋。青雲有志。願可求。萬里蓬山。眼底收。駕鶴乘雲。醉五洲。天上人閒。汗漫游。

宏教真人批 壯哉壯哉。大妙大妙。吾當代爲面陳。帝師。但和吾 師原韻。道人未敢擅答。擬請慧濟君於經壇公務辦畢時。面呈 帝師。道人亦在侍駕。

隨時再爲稟述。想吾師必增歡悅也。

姚姬傳真人

甲子三月初三日

春陰釀春寒。料峭風助力。微雨散游絲。溼雲低潑墨。但聞百鳥催。竟把羣芳勒。妝成黯淡容。減却明媚色。桑鳩費相呼。園蝶探消息。辜負踏青人。惆悵過寒食。自註。憶記客歲春陰盛會。何等淋漓。一轉瞬間。又屆其時。惜文壇停。不無掃興。今聊吟此。欲索和耳。願諸文友賜玉。

和作 錢玄機

東皇胡未仁。憑藉封姨力。風狂尖似剪。雲凍濃於墨。不聞鶯弄簧。但見馬嘶勒。樓臺盪夕煙。園林闕春色。終當物華新。暫覺生機息。負暄且先期。何況嗟來食。

陰霾天地晦。當春風愈力。樹枯枝未萌。山沉雲起墨。鳥聲澀不調。花信寒猶勒。何當明媚時。釀此悽迷色。庶彙先長養。游人多屏息。東郊輟耕嘆。我豈繫匏食。

和作 江慧濟

清。明。料。峭。寒。風。急。燕。無。力。綠。柳。雨。添。絲。青。山。雲。鋪。墨。淑。氣。暗。相。催。春。郊。閒。控。勒。桃。李。鬥。芳。容。梨。杏。爭。顏。色。山。鳥。名。自。呼。錫。簫。聲。初。息。噫。嘻。玉。樓。人。笙。歌。侑。鼎。食。

和作夏玄虛

上。已。續。清。明。朔。朝。正。寒。食。佳。節。萃。暮。春。春。芳。寒。猶。勒。養。花。天。有。心。中。酒。客。無。力。不。見。駒。隙。塵。野。馬。如。暫。息。默。契。般。若。經。色。空。空。即。色。仰。瞻。雲。四。垂。雁。字。幾。行。墨。

和作袁固真

三。月。春。猶。寒。飛。燕。弱。無。力。那。堪。風。更。緊。吹。雲。欲。潑。墨。駕。言。遊。東。郊。不。敢。控。金。勒。塵。氛。蔽。太。空。黯。淡。天。無。色。天。亦。爲。釀。花。花。曾。有。消。息。無。酒。過。清。明。無。花。過。寒。食。

和作陳謙紀

今。年。春。信。遲。欲。借。東。風。力。催。得。百。花。開。芳。菲。鬥。顏。色。花。裏。過。清。明。馬。上。逢。寒。食。詞搖。鞭。指。玉。樓。草。地。嘶。金。勒。看。遍。長。安。花。上。林。好。憩。息。歸。付。踏。青。詞。不。惜。

唱酬

如金墨

和作 蔡慧蒂

庭院。晝。沉。沉。稚。蠅。嬌。無。力。春。草。夢。謝。池。淡。襯。一。天。墨。巨。靈。大。筆。濡。乾。坤。費。鉤。
勒。封。嫉。妒。羣。花。吝。惜。胭。脂。色。非。煙。非。霧。中。大。塊。似。屏。息。翻。海。洗。青。天。白。日。誰。
敢。食。

十。日。九。風。埃。費。盡。東。皇。力。春。山。擁。霧。鬢。點。染。米。家。墨。朱。門。遊。俠。郎。青。陌。控。金。
勒。柳。眼。何。朦。朧。不。辨。遙。天。色。歸。來。春。夢。濃。臥。榻。容。斲。息。誰。歟。作。甘。霖。蒸。民。豐。
粒。食。

籠。裏。詠。春。陰。枯。腸。得。酒。力。着。意。惜。芳。菲。博。愛。欲。師。墨。綠。草。護。海。棠。丹。心。石。可。
勒。紅。紫。霧。中。看。蜨。蠶。知。食。色。老。龍。嘯。雲。氣。野。馬。吹。以。息。九。洲。返。混。沌。淵。明。賦。
乞。食。

和作 錢覺塵

宿。霧。餐。朝。曦。東。皇。倦。無。力。花。事。渺。如。烟。山。意。沉。若。墨。雛。鶯。滯。新。簧。嬌。驄。間。玉。
勒。杳。冥。弄。寒。威。黯。淡。少。顏。色。安。得。鼓。太。和。盡。使。塵。蠶。息。復。我。艷。陽。天。觴。詠。樂。

寒食

和作 林覺平

狂沙黯春晝。東風肆吼力。樹遠欲舒枝。天低淡潑墨。悵彼斜陽微。隱將花信。勒蒼邈古今情。依稀楊柳色。羣鴉雲外鳴。萬籟個中息。撫此年復年。光陰又寒食。

和作 姚法紹

世亂愈糾紛。安得回天力。無計息干戈。偷閒弄筆墨。毒龍大地驅。猛虎懸崖勒。河海得澄清。江山壯春色。民毋失農工。時不誤作息。聖訓三去一。信庶歡足食。

和作 戴學復

微雲織春愁。柳絲嬌無力。碧空瀉凝脂。山黛籠淺墨。芳情不遽吐。風信暗中勒。繁華易消歇。淡泊駐顏色。烟橫鳥雀下。波靜魚龍息。千古慰忠魂。寂寞過寒食。

和作 陳悟息

唱 酬

唱 酬

十

春眠不覺曉。成句啼鳥聲無力。細柳正含莢。暮雲濃若墨。客爲浮白來。馬許踏青勒。三陽惜景光。百卉闕春色。天際起風烟。江南遞消息。惜此九十天。恩恩過寒食。

和作胡悟恒

楊柳正添絲。棠梨尙無力。積靄漫天鬱。前村煙似墨。東君豈薄情。游騎空含勒。本是養花天。苞胎半着色。蜂蝶過墻來。送我眞消息。有意花間飲。無心上食。

和作張含默

茶煙颺微風。游絲裊無力。沉沉日初長。淡淡雲似墨。今春峭寒多。清明花尙勒。庭院黃昏早。黯黯春無色。寂寞倚欄干。簾垂香篆息。檢點舊芸編。莫教蠶魚食。

和作鄭慎修

春氣日漸深。東風尙無力。山雨生夜涼。江雲弄水墨。一聲聞雁來。鄉心不可勒。楊柳已生莢。芳草近無色。養花惜濃陰。澆灌仍不息。無雨過清明。沽酒醉

寒食。

孚佑帝君 甲子三月初三日

今清明已過。轉瞬春色將逝。吾見固詩消息二字。不禁有感也。即命固真學復。謙紀諸文人。各填一消息詞譜。以下吾教。且各見性真。消息即永遇樂之別名。

今命 姚子示知其譜。

平仄平平句 平平平仄句 平仄平仄句 韻 仄仄平平句 平平仄仄句 仄仄平平

仄句韻 平平仄仄句 亦韻 平平仄仄句 平仄仄平平仄句 韻 仄仄平平句 韻 仄仄平平

仄句韻 仄平仄仄平仄句 韻 下闕 平平仄仄句 平平平仄句 韻 亦可 平仄仄平仄

仄句韻 仄仄平平平仄仄平仄句 韻 仄仄平平仄句 仄平平仄句 仄仄

平平仄仄句 韻 平平仄仄句 韻 平仄仄仄句 韻 仄平仄仄句 韻

姚真人註。詞有異名。而詞譜異譜而同名者。滿江紅有八種。滿庭芳有二體。

聲聲慢有六體。念奴嬌有四體。而大江東不與焉。蘇子大江東。即念奴嬌。後人

異其名耳。辛幼安千古江山篇。即永遇樂。後人名之曰消息。試觀詞叢。似此者

茫如淵海。若非專家。孰能得其全豹。吾少時未嘗爲此。晚年喜之。又好作字。袁

靈 學 要 誌

蔣輩聞之曰。始吾畏桐城。今不足畏已。謂吾分心故也。自後不復作詞矣。然吾每喜誦東坡大江東去。幼安千古江山。英雄無覓孫仲謀處。及其甚矣。吾衰矣。之金縷曲。即賀新涼。一名賀新郎。與東坡之明月何時有水調歌頭。以為純氣之行。詞中之古文派也。至今隔世。猶能背誦吾諸契友。不可不熟讀此數篇也。幼安為詞中之聖。其念奴云。野棠花落又匆匆。過了清明時節。一首聲情兼佳。非今人所能。王元澤平生只一卷尋芳詞。曰。算韶華。又因循。過了清明時節。節字乃押候字。與幼安同一致概。皆此時情景也。諸人何不取其神髓為詞耶。江統要填一絕妙好詞也。

消息詞

袁固真消息即永遇樂詞用春陰兼本意

寒食匆匆。清明又過。春尙延佇。柳葉舒黃。梨花綻白。却被烟籠住。鶯聲何處。蝶魂繾綣。飛燕了無情緒。只今朝。雙雙倩影。等閒度人南浦。風清霧淡。東皇着力。放得斜陽一縷。綠轉波心。紅侵杏靨。新見韶光。嫵春華。一作痕易老物。猶如此。好景半成虛。誤君不見。鳩嘯急切。聲聲苦訴。

前題 陳謙紀

杏雨紅黏柳條黃嫩春色如許倚徧東風重簾寂寂芳信勞延佇文鴛枕上
 畫鸞窗下暗把佳期細數遙凝望天涯草綠王孫幾時歸去清明乍過又
 逢上巳怪底了無情緒霧閣仍扃雲廊獨繞青鳥來何處沈沈深院玉樓迥
 隔離恨與誰同語却不道一天好事驀然相遇

前題 戴學復

百五韶華大千春色而今又幾柳鞦韆黃波迴鷗碧處處堆紅紫相期前日
 梅花初放不隔蓬山尺咫更如何鴻冥雁杳依舊相思千里花間月照窗
 前雨打恍惚行人將至徙倚闌干低徊簾幙屈盡纖纖指新潮有信傳來吉
 語道是佳期近矣莫辜負長歌金縷新醅綠螿
 將信還疑乍聞又阻誰教輕誤桐葉秋先梅花春早魂夢同延佇天南地北
 相思欲寄盼盡鴻來燕去漫追尋東隣西伴幾番暮雲朝雨池塘草碧關
 山月黑勾起詩情愁緒鳴咽流泉飄零落絮似共雙雙語斜陽芳草遊絲無
 限那管替人傳訴且付與金錢夜下蘭釭暗數

批 諸人和作皆佳甚足記也可照刊但無暇詳批

馮真入 甲子三月二十二日

點點輕紅墜。地翻翻。乳燕斜飛。暗香飄。夢竹橋西。賸有翠林如齊。半畝蔬畦。春韭幾家芳樹鶯啼。清濂仙洞似桃磯。裊裊楊花又起。

注。吾二人因前 淑德真君約 真人為惜餘春。故先為步虛詞以引之。此詞本正宮後為中呂宮。因填詞佳句。又稱西江月。乃道家法曲。仙人多喜為之。帝師論道勸世。此詞最多。惟為人恆用。價為少減耳。諸人隨意賜和可也。用平上通韻時亦用去聲耳。

和作 錢玄機

鎖住一天晴。色清明。寒食都過。今年花事已。蹉跎又被。罡風吹破。庭院誰家楊柳樓臺幾處。笙歌匆匆。春去奈春何。南浦離情無那。

批。詞皆平穩。惟教統宛轉渾厚。風致秀絕。獨於詞語間。少近衰颯。離春結春最妙。或者去春餘之淹滯。來長夏之茂盛。則衰中腐盛。為不可及矣。

和作 王竝真

如。雨。桃。花。亂。墜。因。風。柳。絮。紛。飛。晝。長。閒。倚。畫。樓。西。惆。悵。綠。陰。如。薺。蜂。蝶。過。

牆。去。了。鷓。鴒。繞。樹。猶。啼。一。鈎。新。月。照。漁。磯。竟。把。離。愁。鈎。起。
 開。到。茶。蘼。處。處。穿。來。蝴。蝶。飛。飛。落。花。流。水。小。橋。西。閒。看。兒。童。挑。薺。不。管。綠。
 肥。紅。瘦。誰。憐。燕。語。鶯。啼。兩。三。點。雨。滴。苔。磯。情。緒。何。從。說。起。

和作張含默

窗。外。鴉。棲。柳。穩。庭。前。燕。蹴。花。飛。落。紅。零。亂。小。園。西。嬌。襯。牆。陰。新。薺。入。夢。慵。
 疑。蝶。化。傷。春。怕。聽。鶯。曉。閒。看。輕。絮。撲。漁。磯。離。緒。無。端。惹。起。

姚姬傳真人批 含默詞甚流暢可嘉 馮二仙末句亦係為留不盡之地案

此末裊裊楊花又起是正文因諸人未嫻詞調故二仙僅曰已矣蓋雙關送
 春意吾今宣出仍從又起二字正文可也此後默竝二君同為本社詩弟子要
 勤作多讀自然與古暗合押韻句要留神莫忽切切上去與入聲亦要留神
 淑德欲吾填惜餘春久矣此題雖應時有大寄託吾因為散文故不及填候文
 畢將原譜示知悟恒真固蒂虛含竝謙諸人填之以代吾可也詞交楊仙侶
 前輩發示前輩為詞名家比吾勝百倍諸人當師先輩勿忽先輩夏初臨調歷
 倒一時鐵崖老先生為之拍案傳至今詞人莫不尊之與辛周柳諸詞聖同

唱酬

欽也。楊在。真人又相挪揄矣。余生好詞。借以消遣已耳。遂浪得名。但今人無爲之者矣。去盛清已河漢。余不喜示空譜。不得已將周美成原詞書出。爲諸人倡。

惜餘春 王竝真

滿地梨雲漫天。桃雨正是暮春時候。子規聲咽。蛺蝶魂銷。嘆息綠肥紅瘦。底事情緒闌珊。低下珠簾。夢回清晝。悵楊花力弱。隨風飄泊。惹人羅袖。問芳草綠。遍天涯。王孫歸未。幾度拈來。紅豆梁間。燕語窗外。鶯啼怎解得。雙娥縷無那。朱闌久憑。鸞鑑慵開。鴛鍼停繡。對團圓月影。數盡深宵玉漏。紅雨飄零。綠雲稠密。又到茶糜開候。喃喃燕語。嚶嚶鶯聲。盡力共芳菲。鬥猶恐辜負韶華。著屐尋芳。向柴扉扣。奈狂蜂浪蝶。舞殘三月。許多錦繡。儂却恨浪泛桃花。風梳楊柳。池上綠波吹縐。難銷舊恨。又惹新愁。人似海棠消瘦。欲問情天。奈何修月。常圓補天。無漏願春光不老。代上通明一奏。

批。竝真二惜餘春。二西江月。皆極委婉蘊藉。寄託有在。得李清照之神。蓋因襲貌時。不覺並其神亦取之。原詞云。莫道不消魂。簾捲西風。人比黃花瘦。並真


可謂善於師矣。此等寓意。失君憂時。悲天憫人。皆在其中也。第一步虛詞渾轉。蘊蓄。第二含着許多事。結得高而妙。不意初學詞人能如是也。可欽可欽。勉之。勉之。柳長田。姜白石。可學而至也。

前題 張含默

蝶粉微銷。鶯聲漸老。惆悵園林春暮。落紅如雨。濃綠成陰。又是漫天飛絮。細數九十韶光。彈指匆匆。驀驚歸去。願東皇作主。驅回羲馭。陽和長駐。收拾起南浦離愁。西湖鄉思。試聽鶉啼如訴。良辰易逝。麗景堪珍。休一任罡風妬。做箇朱旛護持。好把餘芳。深深留住。更携來斗酒。頻向花間覓句。

批。含默詞甚華美。藻纘芊綿。獨不能脫舊習耳。用意亦少。惟朱旛護持。却有寄託。是佳句也。專心爲之。周美成可學也。詞貴有意有辭。二者則皆貴推陳出新。硬語生字。著不得。孰套滑响。亦著不得。在將極現成字句。翻爲極新穎宮商。調隨之而高起。詞隨之亦警動。讀之那得不令人拍案引領也耶。唐宋以後。此道大昌。每於天子諸侯士大夫。享燕大節。紅氈綠毯。蓋即古春秋三百歌詩。漢魏樂府。識調者漸多。卿大夫有大德威儀。如司馬文忠公。魏了翁。

張萬祥相公。皆勛德巍巍。解識律呂。明清又繁至矣。而美姬于前。是蓋如古穴居布衣。不得不因時變爲宮室錦繡也。前十數年。尙存此道於歌場。今二十年。前後皮黃極勝。無復識雅音者矣。可勝嘆哉。樂者所以轉移人心。變風俗。和文雅。鳴國家之盛。代表吾人民高尚德性者也。其關係最大。感化至切且敏。今日歌舞習慣。趨於跳舞漫聲。有一二風雅士。約名優爲崑歌。又似漸復於詞曲矣。顧爲愉樂諧笑者多。爲禮教人心者寡。吾社方弘大教。挽頹俗。即不能不重感化。重感化。未有如復古歌詩樂府之遺之爲極當也。矧諸君子皆青瑣故班中人。開元舊聲。遺音在耳。祛時敝而正雅奏。其責固在詞曲間。而弗可辭也。鄧君、袁君、朱君、張君、錢君、王君。具有斯才。故帝君屢有此命。潛移其旨趣之所。豈不有所用意乎哉。望諸君勉之。



悟善總社靈學要誌第一卷再版廣告

本社發行之靈學要誌現已出版至第三卷矣而第一第二兩卷前以初版所印者業已售罄致購閱者不能尋流溯源始終一貫茲又再版印就若干部以供閱者補購之便至於每卷價目仍售大洋四元欲購閱者請向敝社或就近於各分銷處購閱爲盼

分銷處地址詳本卷要誌廣告中請參看

靈

學

要

誌



善業

悟善總社丙寅年七月份施放養老券姓名年歲籍貫一覽表

姓名年歲籍貫住

松吉氏 七九 旗 東城根四十一號

伊張氏 八六 旗 朝外南營房五甲五十八號

桂山 八一 旗 前永康胡同十五號

周龐氏 七六 大興 手帕胡同十五號

王代氏 八四 寧靜 小乘巷二號

趙熊氏 七四 京兆 爛縵胡同內箭杆胡同十號

師永泰 七六 天津 草廠五條一號

姚王氏 七四 貴州 刷子市後坑四號

善業 悟善總社丙寅年七月份施放養老券姓名年歲籍貫一覽表

善業

悟善總社丙寅年七月份施放養老券姓名年歲籍貫一覽表

韓佟氏 七六 旗 馬相胡同內西党胡同一號

芮德安 八二 旗 德外滿牛村東劉家後院

崇李氏 七八 旗 西內南小街扒兒胡同十五號

姜雙氏 五〇 宛 平 蔣養房十號

張慶喜 七五 宛 平 新街口北大街三十七號

王張氏 七八 旗 永定門粉店口二十五號

崔朱氏 七八 宛 平 月壇內四十五號

張管氏 八二 昌 平 庫資胡同十一號

存張氏 七六 旗 東繚兒胡同二十一號

海源 七二 廂 藍 滿 西便門老營房東南二條四號

存石氏 八二 寧 遠 黑窩廠三十七號

魏志徵 七二 南 宮 粉房琉璃街一〇七號

呂張氏 七八 宛 平 黑窩廠五號

宋莊氏 八〇 宛 平 江南城隍廟街十一號

靈

學

要

誌

傅德山 八五 河間 報國寺東夾道五號

李老姑娘 八二 大興 崇外頭條十一號

柳蔡氏 七三 京兆 廣渠門大王坎

郝王氏 七一 任邱 花市東口雷震口七號

孟張氏 六四 三河 永光寺街二十四號

吉楊氏 六七 大興 東繚兒胡同二十一號

羅鄧氏 七九 宛平 西岔道二十五號

何李氏 七五 旗 沈篋子胡同二十號

善成 八二 宛平 正覺寺二十一號

庫富氏 八〇 旗 西海南河沿四號

金定氏 七七 山東 宗帽胡同十三號

金劉氏 七五 旗 中二區罇罇房七號

那孔氏 六七 旗 德外松林間北河沿

沙張氏 七六 宛平 牛街炒爛胡同十八號

善業 悟善總社丙寅年七月份施放養老券姓名年歲籍貫一覽表

善業 悟善總社丙寅年七月份施放養老券姓名年歲籍貫一覽表

第 三 卷 第 十 期

楊李氏	七八	宛平	牛街羊肉胡同十三號
楊郭氏	七四	大興	司家坑小橋十五號
烏吳氏	六九	旗	大喜雀胡同七號
程范氏	七八	香河	下斜街二十六號
李興	七二	涿州	南大道二號
李石氏	七三	深州	菜園五號
德王氏	六九	旗	西南二條五號
滿成瑞	六九	大興	崇外東大地二十四號
李王氏	七四	武清	崇外沙土山甲十三號
張李氏	七九	旗	阜內南順成街十三號
德李氏	九七	旗	錦什坊街一二四號
孟趙氏	七八	大興	外左三區臥佛寺四號
吳郭氏	七六	宛平	南橫街豬營甲十三號
晏張氏	七六	大興	西磚胡同六十一號

靈

學

要

誌

伊克坦布 七四 宛平 廣安胡同二號

門趙氏 七四 武清 廣安胡同小橋六號

楊鮑氏 七六 宛平 崇外鉄轆轤把二號

趙方氏 八五 宛平 宣外後河沿六號

蘇張氏 七〇 宛平 上斜街三十二號

李鄭氏 七八 河間 宣外鳥市後身十六號

王殿元 八三 三河 石板胡同二十三號

楊王氏 六九 旗 官馬司三號

徐趙氏 七一 江蘇 小四眼井二十八號

王范氏 七四 保定 東北園十五號

孫郭氏 七八 宛平 南下窪十二號

孫李氏 七六 宛平 阜外南河沿十六號

郝趙氏 七三 大興 宣外司家坑一號

馬王氏 八七 冀縣 東北園一二六號

善業

悟善總社丙寅年七月份施放養老券姓名年歲籍貫一覽表

第 三 卷 第 十 期

吳胡氏 七五 大興 齊內北水關一三二號

朱鄭氏 七六 大興 齊內駱駝橋九號

關顧氏 七三 宛平 鐘樓東五十四號

斌祥 六四 宛平 孟端胡同糖房胡同十四號

羅萬氏 七六 武昌 武昌會館十一號

那蘇氏 七六 旗 東直門北小街六號

李偉卿 六七 宛平 廣安門外達官營北口

高魁山 六七 文安 廣安門大街二合店

關李氏 六八 廂紅滿 南鬧市口羅圈胡同二號

德桂氏 七二 廂藍 二眼井六號

史侯氏 七三 宛平 黑窩廠四號

吳張氏 六八 貴州 北城約王廟十號

舒雨皆 六六 宛平 西京畿道十號

富李氏 六〇 宛平 西京畿道十號

靈

學

要

誌

陳文祥 七六 京兆 地外鼓樓西大街四十一號

胡李氏 六四 京兆 西直門南草廠四十三號

恩昌 六八 旗 西直門外青塔院毛家

范李氏 七六 京兆 宣外鳥市後身十六號

楊張氏 七八 京兆 賈家胡同內方盛園三號

傅何氏 七七 京兆 中京畿道三教菴八號

于董氏 七八 旗 朝外菱角坑南上坡二十六號

王張氏 六四 京兆 阜外鉄家坎張九院內

那徐氏 六三 旗 德內西繚兒胡同八十五號

王趙氏 七七 宛平 阜內南順城街甲二號

王杜氏 七八 清河 宣外教場小六條二十四號

陳蘭氏 七一 京兆 崇外下寶慶胡同十六號

李殷氏 七二 河南 前外刷子市仁合大院四號

田德林 七五 深州 兵部窪七十九號

善業 悟善總社丙寅年七月份施放養老券姓名年歲籍貫一覽表

富順 七一 沙河 宣內頭髮胡同三十四號

崇褚氏 六八 保定 外右三區自新路一號

趙老姑娘 七三 旗 內右一區苦水井十號

文林氏 七四 旗 阜外北營房頭排子第一門

希拉布 八四 滿洲 崇外小市口炕兒胡同內烟筒胡同二號

賀連奎 五七 宛平 西便門外跑馬場四號

以上共九拾八戶每口施洋壹元共洋九拾八元

悟善總社丙寅七月份施放長期月米姓名住址勛數一覽表

姓名 年歲 籍貫 住址 斤數 備考

王志明 東直大街二十八號 三十

孟陳氏 五三 宛平 內右一區銅井大院二號 十五

孫戴氏 江蘇 內右一區松樹胡同二十五號 三十七斤半

楊劉氏 八一 宛平 德外小關 十五

汪徵厚 六〇 旗 西華門大街二十一號 五

嵩榮氏 五九旗 朝外鷄市口五條九號 十

于董氏 七九旗 朝陽外菱角坑二十六號 十五

瑞鑑 三八大興 東城觀音寺四十二號 十五

尤忠氏 七〇京兆 新街口大三條六號 十

張張氏 六〇昌平 轎子胡同內輸入胡同十五號 十

禿兒 十一旗 葱店胡同五號 三十

閻金氏 三三大興 左安門外空口溝家院內 十五

韓陶氏 南宮 右安門內姚家井十六號 十五

孫魁榮 六〇天津 安定門外三道橋奶子房 二十五

季丁氏 七一宛平 廣惠寺東夾道十八號 十五

楊郭氏 八五固安 下斜街三廟三號 十

穆玉氏 四四旗 大喜雀胡同十一號 八

桂劉氏 八二旗 宮門口內針綫胡同四號 二十

杜于氏 七五湖北 官豆腐房十號 十五

善業

悟善總社丙寅年七月份施放長期月米姓名住址勛數一覽表

善業

悟善總社丙寅年七月份施放長期月米姓名住址勛數一覽表

十

永何氏 三二 大興 東直門內北小街砲局二十六號

十

李莫氏 五三 旗 菜園六條胡同十三號

二十

李夏氏 六四 大興 朝陽門外南營房頭甲八十四號

二十

張趙氏 七八 宛平 阜內南城順街十二號

十五

尙楊氏 七三 旗 捨飯寺甲十二號

十五

張承華 十四 旗 炕眼井十一號

十

單劉氏 四二 宛平 西四羊市大街一百十九號

十五

龍裕 六八 河間 東華門內太平巷八號

二十

佟桂和 六三 旗 東直門內南小街一號

四十

吉順 三六 旗 新街口大四條十一號

十

劉劉氏 七〇 宛平 口袋底胡同七號

十

普全 六八 旗 捨飯寺甲十二號

五

方祖烈 二三 大興 北弓匠營口袋胡同

十

曹瑞銘 五一 旗 砲局四條一號

十

靈

倭克布 六〇 旗籍 西直門外郝家灣 十

陶許氏 七二 浙江 宣外後坑十三號 十五

劉焦氏 四一 大興 宣外西茶食胡同四號 十五

玉 警 四〇 旗 西便門內啞叭園二號 十

恩姑娘 五四 旗 地安門外小石橋四十六號 十五

景 文 旗 新街口大七條八十五號 十五

閻宜卿 五七 大興 左安門外關廂四號 十五

朱孫氏 六五 山東 阜內南順城街二十三號 三十

柯崇華 七〇 旗 西郊海甸太平莊一百十七號 十五

張劉氏 六一 旗 新街口大三條三十七號 三十

陳郭氏 三一 外右三區廣安胡同二十一號 四十

楊趙氏 四三 豐台 崇外三條十一號 十

聶何氏 四七 大興 左安門外大柳樹十一號 十五

舒福緣 六七 宛平 西京畿道十號 三十

誌

要

學

善業

悟善總社丙寅年七月份施放長期月米姓名住址筋數一覽表

善 業

悟善總社丙寅年七月份施放長期月米姓名住址勛數一覽表

十二

陳 升 七二 河間 外右四區南橫街三十七號

十五

張慶倫 五八 旗 內右三區城隍廟六十一號

四十

以上共放月米捌百三十八斤八兩

記事

靈學要誌分銷處

北京

京兆悟善分社 翠花灣
 文 明 書 局 琉璃廠東頭路北
 鴻 寶 閣 書 莊 琉璃廠西頭路南
 松 筠 閣 書 莊 大沙土園路東
 龍 文 閣 書 莊 琉璃廠中間路南
 公 慎 書 局 琉璃廠中間路北
 寶 華 堂 書 莊 琉璃廠偏東路南
 綠 香 園 茶 樓 寶宴華樓樓上
 華 興 閣 南 紙 店 勸業場樓上路東
 佩 文 齋 書 莊 青雲閣後門內路西
 日 升 泰 南 紙 店 地安門外大街路西
 洪 吉 號 南 紙 店 地安門外鼓樓前路西
 華 鑫 書 社 東安市場暢觀樓內
 佩 文 書 社 東安市場丹桂商場

瀛 賢 書 社 東安市場東安樓內

同 懋 增 南 紙 店 西單牌樓

義 啟 齋 古 錢 鋪 東安市場雜劇場

江 西 悟 善 分 社 南昌馬池後

山 東 悟 善 分 社 濟南城內

雲 南 悟 善 分 社 省城一匝田怡和省號

甘 肅 悟 善 分 社 蘭州水北門五省會館

江 蘇 悟 善 分 社 城內朝天宮

南 京 悟 善 分 社 常州東門內

常 州 悟 善 分 社

記事



癸亥十月初一日

余仙降

今日追遠堂安位典禮。一切禮節。俱無遺漏。幽冥神職。皆大歡欣。各弟子之先靈已經享矣。吾早在監視。今當回報。師前。

癸亥十月初四日

宏教真人降

吾奉命鎮壇。諸生嚴肅。倘有稍瀆。譴罰無情。並奉命傳宣。所有來社各員。除教統。副督教。及侍壇扶。膳外。一概不得擅上神壇。須端莊鵠立。恭侍壇前。切切。

孚佑帝君臨

記事

悟恒與明誠。今日能侍吾壇。皆崇德平時訓誨有方。而二子亦勤勉所致。責任重大。吾不得不於二子初侍時。有所訓誨。須於內外功特別留意。養護靈光。是內功也。內功以習坐爲最要。內功日進一日。則靈光自日益充固矣。外功則在存心濟世。凡一舉一動。皆足以爲善。非一定施金發賑而已。能於二功注意。便不負吾救世苦心。吾社其庶有彜乎。

此番固眞演講。實能會通。搔著癢處。蓋以無極爲體。而後大道之原理始見。以太極皇極爲用。而後儒佛救世之功始成。此吾社所以以大學修齊治平之術爲宗旨也。惟講時宜將老生常談處少刪。能會通精言。多所發揮。則更臻至善。然今日已精采奪目矣。

訓謝文浩云。吾早見汝於山陽水畔之間。祇因緣未至。使汝貽憾至暮年。然修持不晚。惟在持之有素耳。

呈九月份功過表

諸生能實行了凡先生功過格。則從根本上做起矣。須慎終也。

呈講道室規則

規則範圍也。惟吾意請教統介紹有聲望者來社演講。則互相資助。各有所長。吾社擇精選要。編爲一書。豈非大觀哉。

呈報六七八三個月收支清冊

閱悉。吾所創各社。蒞臨時皆有一種威嚴之狀。今本社爲羣社冠首。而少欠整肅。特派覺塵、堅覺爲欄前肅禮員。并須擬派八人爲二班輪流站侍。二子其善治之。

吾聞教統將小別之語。故今欲將社務整理。以免又有滯阻。本社規模既大。教綱既立。此皆教統慧力。副統及各綜掌毅助。今吾先將各扶手派定。請教統副酌任。因教統於人事言尊耳。尙有社中最高最重之事。吾知賢契等有所籌也。吾有諭示正覺。而正覺不在。渠係供奉部掌。對於一切供奉肅禮。仰其竭力任事。今再派堅覺副之。整頓供奉肅禮事宜。二人協商而行。吾今先將法綜整理。所有應添應改職員。仰該綜呈單聽換可也。下期須命各職社員早來。吾當按名考察。酌予要言。並授道功等事。倘有呼名未到者。難免責言。

癸亥十月初六日

記事

楊仙降

所有救急事。已屆冬寒。前固真、玄虛、君所辦甚當。今真人仍望詳爲查行。前曾見有一家餓死者數人。誠可浩歎。諸善士必有所以救之。

癸亥十月初八日

余真人降

梅悟功問事

各人因果未全消。話到滄桑尙歎遙。底事個中兒女態。豈能屈性問青霄。哈哈。時候春來。因果可消。草木自苞。君諒明瞭矣。

癸亥十月十一日

明陽張真人降

吾今奉命鎮守法壇。監視人事一切。諸生須各誠敬。不得喧嘩。師已派定崇德真人主視東冥壇。弼文真人監督西冥壇。所用一切行文各界及幽冥神祇。俱飭所司定未刻到壇。即開冥壇。今日因各後裔功德所及。故雖幽冥異途。而能相聚一談。惟諸人有因故未至此。後再謀相見。恐未易耳。

孚佑帝君示

今日第二屆法壇告成。所以人數不多者。因吾教初行。信仰未充。多有未識個中妙理至情者。倘吾教大行。人人能發至誠之心願。則所感如響斯應。奇驗立見。非奇也。亦正子孫之心靈。與其先人孚格。如電力之相吸引者耳。

謹按。是日。帝師降臨時。先示七絕一首。風木幾年悲思深。清樽碧酒奠松林。人間爭晤先靈面。誦徧金經總慘心。語極沉痛。永感者讀之。其何能已。茲謹附錄於此。

崇德何真人示

今日開辦第二屆法壇。老祖。帝師爲行救救世。體念教徒及信士孝思。仁念。特施曠世大典。恩被存歿。教孝崇德。爲萬世立懿型。一時開太平。其關係至弘。影響至遠。凡汝等後裔。其各起孝起敬。孝於親者。不敢慢於人。愛於親者。不敢逆於人。自茲以往。克盡人間道德。始無負。神聖大恩及祖父之訓。而完此一件孝順事也。汝等勉之。

彌文姚真人示

吾奉命監視。如各後裔先靈降時。其子孫須當各具虔誠。心志一貫。使其親得與接觸。訴述未了事件。或子孫有所叩問。亦可上表請示。如關秘密。則恭肅默禱。

崇德何真人示

諸後裔各宜本前所訓。力行善業。助成教務。日後遇思親時。即可請於 帝師。得與親晤談。以決疑問。是在誠心。有一分誠。即感格一分。若自心先疑。何從感耶。今日有子孫未到。其先靈無從感召。如何能降。然 師恩極寬。凡未到之後。裔有欲因事補請特別法壇者。一概准許。

孚佑帝君示

此後法壇。有子嗣欲叩問其先靈事實者。自可加恩准許。其時間吾擬於下午六時至十時。每次至多三家。詳細訓示。該後人應先期齋沐。如承大祭。則所感至捷。扶員亦得從容盡力。靈光充足。自多效驗矣。

謹按。是日係開第二屆追遠法壇。所有神諭。暨各後裔先靈訓示。已刊登第一屆法壇實錄。茲因 神諭關於記事。故仍敬謹彙紀於右。

癸亥十月十二日

余仙降

陳倍己女士問事

都城赴召幾春秋。飛倦知還望拜酬。今日禱求如畫裏。也曾再問路中不。汝雖女身。頗有夙慧之才。非普通坤道之例。惟汝父城隍及各魂近狀。非飭所司查明。不能謬告也。

馬振彪問

憶別西冷幾度春。慕君儒雅舊官身。却離宦海風波險。好作羲皇以上人。豈但名揚足冠英。理煩治劇更推君。須知政事從文學。不入風塵俗吏群。擇地桐城。吉旺已見。可謂得其所哉。惟吾社文教。尙有借重於君也。

尹返誠問前三世因果

石根盤膝。枯樹逢陽。此途不易。千載於茲。吾已盡告之矣。何必三世哉。子今已在。帝師處。信道事業。方興未艾。正須努力。勿負前修可也。

癸亥十月十四日

記事

吳道子降

綠水溪頭人寂寂。青囊書卷易叢殘。矯首長空寥無盡。滿天雲氣浩漫漫。善範已來。可代吾扶墨。先繪毫毫圖。今日得暇。能多繪數紙更妙。參透詩禪即畫禪。好教筆墨化雲烟。試看萬壑蒼茫裏。定有春山勢若顛。今日詩畫盛會。惜無好書法之人。明廣等須誠心學練扶墨寶也。

癸亥十月十五日

余仙

訓陳倍已女士云。閱盡名場厭俗愁。也曾讀畫話情由。而今烟樹添惆悵。目視爾如不繫舟。

癸亥十月十六日

孚佑帝君臨

汝諸生漸已齊肅。誠爲可喜。老祖亦將臨。但存誠敬。自能感格。證功傳經。皆在一誠。汝等勉之。證功事仍照前辦理。但本日續證後。須停數月。以惜名器靈性也。

至聖先天太一老祖臨

汝等諸人證功甚合。吾甚喜。今特各賜考語。玄機靜定功深。有涵有養。從此運用。便能充光。勉之。慧濟。心靈日起。活潑智慧。故能外功篤實。內功進步。裕真。堅定有餘。活潑未足。心靈亦日啟矣。勉之。悟慈。修持能始終如一。今監視諸人。十分得力。靈亦日啟。悟恒。心靈性靈。皆極活動。前者定堅未足。今亦漸克穩固矣。慎勿他移。學禮。心靈尙滯。性靈日篤。真爲善純才也。但求於心靈多證。要在讀書。智端。心靈下下。性靈中下。學復。悟真。二人心靈下中。但璧華。性靈則上中。二人各勉所短。可已。汝等從吾有年。證上上者。百不二三。除玄濟一二人外。未能心靈與性靈同量發展。

請示三庚開經

此事吾與 呂弟所極贊成。惟侍扶實費靈特甚。宜思有以優待而體恤之。汝等可將吾今日所訓。推開一思。以爲進行之實資。凡教無論主者爲誰。但視其宗旨如何。使爲二帝三王孔孟之宗旨。即爲正道。行之能誠。推之能廣。則人且爲我化。天下雖大。其孰敢非我哉。今機濟虛等所爲正。然自有神佑也。

癸亥十月十八日

今日扶員齊集。吾社生色不少。當知吾所以多派扶員者。實因人少。恐過勞瘁。而靈光或有不接之虞也。今後望汝等努力代吾宣教。將救世新教切實做來。吾社所以少起色者。實害於因循二字。苟能同德協力。不徒恃空言。則神無不默佑。事在爲。爲之難易在人。人如不避險阻去做。何事不成。一旦因循復因循。則事無成功之日。後雖悔之。亦已無及矣。况吾社之設。爲救世乎。救世賴新教。吾已言之諄諄矣。今日見汝等皆在。吾不能不將因循二字重提。須不畏難。不避險。如登山然。欲造絕頂。必自平地。如航海然。欲涉重洋。必經江河。不自平地。不經江河。焉能登絕頂。涉重洋哉。須自思之。不可不努力合作以底於成也。

呈簽到簿

今日先示來社社員。由覺塵報名。其已去者。可置之不批。此舉乃特恩也。呼名訓朱定真。定於一。真味真。春陽花放須自謹。吾道得真醒。

訓楊支靜。靜守支中秘。一朝奮往道中求。何待錦作繡。汝在社盡力。將來福厚。

訓桂悟證 莫作人間為非事。此身留在此中修。

訓華 勤 堅以修。無不造上乘。况子勤於職務乎。

訓呂速修 老邁精神已衰。惟修可安。吾前已訓過。子能得安。福已厚矣。

訓張濟永 年輕求修。得力最易。惟在永耳。

訓汪守道 守道有日矣。忍以處之。惟子為不可多得。不患無奮飛之日。勉之。

訓張含默 吾道靜默。惟子默爾。且默以處事。在社盡力為多。勉之。

訓尹定慧 人生惟在自定。子已往不追。後宜自勵也。

訓荆善俠 子久困矣。然須知事有定。決不可強。此時正修持時也。

訓吳翌善 善可繼遠。子雖年老。而修持不怠。後福綿綿也。

訓迮廣濟 子為吾社創始有功者。且向善堅恒。而能博濟。暫時不遇。有為正

有賴也。

訓王蒔慧 海涵能濟。子於微處寬。巨處緊。庶可矣。

訓李善覺 覺在早。子已在此盡力。覺得矣。再於堅定處求之。當有起色。

訓景濟廣 子真廣而濟。惟在廣字上盡力做去。無不得良果也。

記事

訓陳悟息 一息尙存而善不忘。則到上人矣。子於悟字當多用息以處之。

訓周緣覺 吾道仗有爲而能爲者。子其勿忘覺。自覺緣已至矣。宜勉之。

訓沈生慧 時在事。事在人。宜於靜約中求之可也。

訓胡廣恆 勃勃年少。事正有爲。修善獲福。天道自然。子其自勵。

訓張憤覺 好鳥枝頭。此正大有爲矣。可喜。

訓尹返誠 子誠有感矣。患能除。惟自勵克已耳。

訓施法充 性固篤。惟於事實。萬不可謬爲。即如學扶。亦須自趨於勤。且虔心耳。

訓趙玄夷 爾與慧濟自來社後。吾極契愛。爾亦甚竭力。今賜一偈以悟之。莫

道光陰不擲虛。須知行。賽是空車。知汝不作功名望。惟在隼洋見道魚。

訓施法住 子靈頗重。惟滯慢欠閱歷。當詳考驗。自勤道功。將來或有所用。勉之。

訓吳諦仁 子文靈極充。而少經驗。須得琢磨。定有大用。

訓錢覺塵 爾才久悉。爲用有時。惟勸道功。日免小過。將來爲問政有名者也。

訓朱養初 子極剛勇。惟於善業體之則吾喜。若朋輩相持則汝自召。此吾勸忍隱語。其勿忽。

訓梅悟功 爾經歷兼全。胆壯且細。吾故委子掌理宣化要職。切勿輕忽耳。爾身俗務。吾定默佑。惟道功後須遵領。

訓徐守定 子能守定。吾極契愛。惟須竭力盡心對於吾社耳。勉之。

訓徐守勤 子亦不負賜名。惟論道功。汝自負矣。此後勉之。有進領考。

訓盛鍾俊 汝來甚好。因一來可闡吾道。並慰孝思。且吾社弟子極少。商賈人才。其能勸揚同業。普及平人。則教化開通。甚有關係。其勉之。賜名通慧。

訓侯樞 峰巒突兀。勢雲霄。平地飛騰。豈路遙。百道奔波。從未覓。大觀惟望甲秋潮。賜名法壯。

訓錢慶生 平生顏色未多親。數十年如畫裏人。來歲知君初出隊。先將俚語屬修真。特准並名法慶。

請示王逸真謝世後職銜

查此位乃水部星官。今已歸班。惟因生前功德。故擢升為馮夷府內府都指揮。

可即於本社追遠堂設位。是日派慧濟主祭。率其親丁安位可也。

呈報吉林孫督軍黑龍江吳督軍捐冬賑高粱四百石

能有救饑之心。福祿自固。悉飭有司標名天冊。記功各三大次。

呈報郭則澐捐冬賑小米一千石冬衣二百套

悉同上註冊。

呈報朱證懺捐冬衣九十套

一班孤兒。幸有立機愛覺等設法恤養。今有證懺如此救濟。庶無寒冷之慮。此功極大。吾甚喜。一同註天冊。

呈特別法壇規條

所擬甚妥。照准定案。

請示悟恆證何日發

定於仲冬朔日頒發可也。

呈第二屆法壇實錄

閱。准即發刊。此事皆慧真勞力勞心。特記勞功三次。惟如要誌。亦望速編爲要。

今日吾亦小試汝等之誠心。故至飯後始集人員。而果早行者甚多。然亦因天寒有碍。情有可原。惟所有今日到社而來訓者。須發通函。言明早行之過。命其下期補示可也。

正覺今在好極。吾知汝近日爲冬賑事。應命勇行。秉公救饑。亦甚難得。爾隨吾多年。於社甚稱得力。而近年居心。吾豈不知。惟君子不拘小過。爾豈忘哉。仰後盡心供職。助立機等振興教務。勉之。裕真已去。教道二綜。下期聽示。

李真人守沙

帝師因大成期迫。於年底數期內。俱有緊要籌辦一切訓示。各職員須奮起精神。協力進行。此示。

癸亥十月二十日

侯仙方域降

同名公。吾感公意氣。遂不覺隨公車馬飛塵而至。古文至今日益漓矣。雖有一二耆舊。而學校荒蕪。子矜不古之求。而今是務。所亟亟以爲名者。惟新與奇。其蒸蒸以爲事者。惟意與氣。嗚呼。國之不靖。有由來矣。覘士風之變遷。今古之不

相若。吾於是懼。而天下之有心人亦莫不引爲隱憂。歲當癸亥之仲冬。吾老友姚子姬傳奉純陽與亞聖孟子之命。勸世人創立學會。講道與文之實際。以漸爲天下夔舍醞釀而煦育之。使斯文復歸於正。吾姚子既引昌黎六一之所爲者以爲言而教之人矣。復以命之於朝宗。朝宗在世。既鄙陋無所知。安足與言此耶。惟以爲士風者。天下安危之所繫。斯文者世道升降之所攸關也。時而不欲治平天下。使又復於敦樸則已。苟其欲之。舍斯莫由也。昔者唐宋既得以補六朝五季之大失矣。今之時敝。又何異於往昔。誠使當今耆彥。引爲已任。見諸實行。則學風於變。可企足而待也。朝宗不敏。欲拭目以觀其盛。自註。我荒久矣。恁看像什麼文章。惜抱常謂我氣盛筆迅。我只這一點擅長而已。同名公。你看我自評何如。吾常謂爲古文要須清閒淡樸。簡而曲。清而厚。非若騁才極氣可以爲也。亦非不騁才極氣可以爲也。是即文家上乘禪法。其妙在卽非卽是之間。吾後有馮少渠者。文章亦極有名。其言曰。學者爲文當師經。經正則旨醇而氣茂。見於文者光輝。見於事者亦果毅。又曰。爲古文全貴簡潔。不潔不簡。則多蕪蔓而亦易弱。洵爲至言。足與吾相發明。而吾

謂藏才氣鋒芒於簡潔中。方是古文作家。蓋有才者好騁辭。纍纍萬言不自休。其實多言必傷氣。辭費必累旨。一定之理。氣傷旨累。有不至於弱且蕪耶。故古大家皆以此爲戒。吾幼即善文。每刺刺不自已。以世家人多相諛。及長。讀書漸多。師友亦夥。同志徐君輩。再三相戒曰。此是何等事。而子乃輕易下筆如此耶。吾自後方深入不肯苟且矣。前少時所爲文。輒焚去無留者。後乃得少進。因卒得虛名。吁。吾愧古人多矣。既歿。學與文似大異於疇昔。所知亦廣。今者偶暇。遂以所知者告之諸君。倘不以爲笑乎。請與諸名宿共從事焉。是朝宗之所深望者也。

楊仙註。侯仙已去。蓋侯仙之爲人極達。不肯稍自拘。如其文也。今後機濟。虛慧恒固。諸君立文會後。侯仙自必屢來矣。其性好文如飲食。不可或閒。每謂今人無能文者。又苦於人不信鬼神。侯仙雖有欲言而不得通於人。甚喜悟善社設有文壇。可以一泄其所蓄。而又惡禮數拘束。厭人跪拜。欲來而輒去。不能久留。前者帝師彙集近代諸文仙。侯仙亦在首數人之列。魏茅方劉諸文仙於學會成立後。亦皆來降。諸君逢興盛之運會。爲偉大

之事業。上奉 帝簡。下合時流。神靈默相。冥冥中實有使之者。非偶然也。諸君務宜自信。實行此事。勿少游移。致誤爲盼。再者。人多輕吾社爲鬼神虛誕事。苟能實行此事。即爲人事上一最大重要成績。經正則庶民興。庶民興。斯無邪慝矣。是一極正大事。確爲今政府百年根本良圖。有大利於國家者也。人不知爲之。故神不得已而代人提醒。以督促之。人因爲神所爲。乃又疑而非難之。噫。此今世之所以不可爲也。然則如何。曰。諸君既知是旨。有是學與是才。亦惟有力行是事。始終不撓。任勞任謗。以卒成是偉業。上答神庥。下救世難已耳。此則在我者可毅力以爲之者也。綦願諸君力勉之焉。

癸亥十月二十一日

黃真人降

今日吾早臨。上期廣濟所求楹聯。因悟恒未在。故未賜。今可代吾揮來。氣靜以和。有此手筆。吾增光矣。

米 楊仙降

謁來水上小亭留。乘興垂綸可久遊。獨坐不知天欲暮。一聲漁笛晚雲收。悟恒

如有興。將今日詩試扶。將來可懸之社壁也。至求畫者。須手續上辦清。不能空勞範弼二君也。

癸亥十月二十二日

何仙降

請示 韋天神照相事

呈悉。下期示期。

許蔭椿問前程

東風吹暖萋萋草。乳鴨浮波燕啄泥。到此羽成飛舞去。惟今雪裏鳥先。預伏成在後。汝謀須自籌。

翌善代子問事

忍爲本。厚爲根。將來事業又重新。忍厚爲本自立身。

明誠問前身

君問前身事。須從夢裏尋。徘徊花夕下。乞巧自求生。即此凡思降下塵矣。

癸亥十月二十三日

何仙降

答王竝真君云。蓬萊安有無路。全在持之有素。悟得玄理。參透靜默耳。竝君勉之。

謹按。竝真呈詩。有蓬萊無路欲何之之句。故云。

癸亥十月二十三日

姚姬傳真人降

日來隨師奔走南中。兵燹倉皇間。救難民。查災情。忙甚。故未遑來文壇耳。知恒慧諸君。對於要誌事甚勞苦。吾極欣慰。

大本教使者來吾社。師甚歡悅。亦諸仙佛所深喜者。蓋救世消災大同無我之道與德。正與 老祖 帝師同此宗旨。其所以爲教。推之於世界者。將見日盛月異。有不可涯涘者矣。孺不敏。謹代 帝師以祝貴教。吾輩設教化。世東西原屬一本。神聖降衷。託之於人。以人救人。大之見於禮樂政刑。微之寄於尸祝巫筮。其所以撥亂世而反之正。正經常以撫庶民者。正無不同。吾師於本社暇時。尙須與君詳談救世聯絡進行之要。大約在下庚傳經時也。君爾時

有暇。尙望賁臨爲盼。

謹按。是日有日本大本教士。北村隆光。來社參謁。故 真人獎之如此。

癸亥十月二十六日

平仙降

張真人諭。此後總分兩社醫壇。須可成負完全責任。時間一到。無論有人問病。無人問病。必須開壇。因如有人來不可不問而去。如無人亦須當稍待也。醫壇何等重大。人之疾痛繫焉。而社之信用亦繫焉。吾子須細悟之。

癸亥十月二十六日

余真人降

劉夢修問事

果然累着又多難。欲解須求問論繁。此去惟從叢茂地。子女安食不驚寒。事在和與勤。從叢茂棲身。敬恤并施。自能安逸無慮也。

孚佑帝君臨

星光隱耀四山明。天色空濛垂極冥。便說真玄人未解。個中奧妙在環生。今日

續傳真經。玄機、慧濟、二契。率侍經諸生誠敬侍壇。虛契未來。命機契代綜纂。即出經。

示大本教代表。大本之緣起與推行。吾皆知之。而素爲贊助之者。爲教在消災救人。與吾教宗旨甚同。而藉人心靈及腕力。爲神聖之筆錄。又與吾乩相近。其所以通神明。救世變。代上天行愛人愛物之慈衷。西耶、東孔、中回。正如合符節。其心卽古聖賢。其蹟卽古巫筮。足以爲大善挽大劫也。大本尊者勉之哉。吾今奉命傳經。未遑詳談。異日者。當與貴教首領及生徒同力合作。以共馳驅於寰中。救斯世之顛危。則所以諮諏策勉者。正自有日。卽貴教之筆錄中。不妨廁入鄙論。與吾同儕者之主義。以相印證。亦望尊者有宏規碩畫。以匡吾教之不逮。爲將伯之助焉。若暫不東歸。下正期當詳爲商同行之。 老祖亦且有訓也。

崇德真人守壇

奉 命本日侍壇諸人各記勤功一次。

癸亥十月二十九日

余真人降

周明誠問事

祥風飄繞夕陽催。人事非壘那有來。錦冠霓裳逢盛地。好從舊處造新才。爾不可高不可攀。合體而行。言語須慎。將來錦冠霓裳豈遠哉。惟壘字雖不自尊。然世事之修行皆重此也。自味之。

記 事



中華民國十六年十月出版



每册定價大洋四角
全卷十二册大洋四元

編輯者

悟善

總社

北京宣武門內西半壁街東頭路北

電話南局二千二百三十號

發行者

悟善

總社

北京宣武門內西半壁街東頭路北

電話南局二千二百三十號

印刷者

文嵐影印刷局

北京前門外櫻桃斜街路北十五號

電話南局二千四百八十二號

靈學要誌第三卷廣告

本社靈學要誌原定每卷十二期所有第一卷第二卷均風行海內今三卷已繼續出版增添宗教一類意義精闢洵屬今古之奇文書價仍照前例全卷十二期售洋四元零售每册大洋四角請書明訂單並書價逕寄本社宣化部一俟出版立即寄書决不延誤謹此通告